

清

史

稿

清史稿

列傳十五

額爾德尼

金烏

明安

子愛札

達海

庫爾標

金烏

子愛札

尼堪

英俄爾岱

明安達禮

額爾德尼納喇氏世居都英額少明敏兼通蒙古漢文太祖時來歸隸正黃旗滿洲從伐蒙古諸部能因其土俗語言文字宣示意旨招納降附賜號巴克什滿洲初起時猶用蒙古文字兩國語言異必逐譯而成文國人以爲不便太祖起兵之十六年歲己亥二月辛亥朔召巴克什額爾德尼札爾固齊噶蓋使製國書額爾德尼噶蓋辭以夙習蒙古文未易更製上曰漢人誦漢文未習漢字者皆知之蒙古人誦蒙古文未習蒙古字者皆知之我國語必譯爲蒙古語始成文可誦則未習蒙古語者不能知也奈何以我國語製字爲難而以習他國語爲易耶額爾德尼噶蓋請更製之法上曰是不難但以蒙古字協我國語

音聯屬爲句因文以見義可矣於是製國書行於國中滿洲有文字自此始天命三年從伐明取撫順師還明總兵張承廢自廣寧率衆歸我師後額爾德尼偕諸將還擊斬承廢叙功授副將太宗時額爾德尼已前卒嘗諭文館諸臣歎爲一代傑出順治十一年追謚文成子薩哈連官至鑾儀衛冠軍使賜姓赫舍里改入大學士希福族中噶蓋伊爾根覺羅氏世居呼納赫後隸滿洲鑲黃旗太祖以爲札爾固齊位亞費英東歲癸巳閏十一月命與額亦都安費揚古將千人攻納殷佛多和山寨斬其酋搜穩寨克什歲戊戌正月命與台吉褚英巴雅喇及費英東將千人伐安褚拉庫路降屯塞二十餘歲己亥受命製國書是年九月命與費英東將二千人戍哈達哈達貝勒孟格布祿貳於明將執二將二將以告太祖遂滅哈達以孟格布祿歸孟格布祿有逆謀噶蓋坐不覺察併誅子武善武善年十六太祖念噶蓋舊勞授牛录額貞天命九年明將毛文龍遣兵三百登海岸掠武善與滿都里率兵追擊斬裨將三還所掠太宗卽位列

十六大臣佐鎮紅旗天聰八年上遣諸將伐明武善與阿山爲後隊遵上方略  
設伏敗敵授三等甲喇章京崇德元年調知明兵襲濱海離場上命武善與吏  
部參政吉恩哈馳援擊走明兵三年正月喀爾喀札薩克圖窺歸化城上自將  
禦之武善與吳巴海從吳巴海斬卒盜軍精武善坐徇疋奪世職八月授工部  
參政時蒙古瓦爾喀諸部皆附使至每以武善典其事順治元年卒布善武善  
弟事太宗授巴牙喇甲喇章京兼牛衆額貞尋護巴牙喇叢章京列議政大臣  
崇德五年從伐明攻錦州擊敗杏山騎兵六年復從伐明攻松山洪承疇以十  
三萬人赴援布善先衆力戰郤敵上度明兵衆而餉不繼必引去命諸將比翼  
列營直抵海濱入夜明兵果引去諸將截擊布善率兵窮追斬獲無算八年復  
從伐明攻克前屯衛中前所順治初從入關予牛衆章京世職二年從征江南  
卒於軍夸札布善子襲職遇恩詔進二等阿達哈哈番十七年授護軍參領兼  
佐領康熙十三年從定南將軍希爾根討耿精忠圍撫州屢破賊賊棄城走四  
年從大將軍安親王岳樂討吳三桂其將夏國相屯萍鄉依山結寨夸札率兵

奮擊大破之國相等棄資械走十七年還護軍統領十八年擢廂紅旗蒙古都統從安親王攻武岡軍器輜重自水道進賊截溪夸札率兵馳擊賊郤走綠旗兵屯溪岸賊舟坌集逼屯夸札自陸赴援道險馬不能行乃率兵步行賊據山梁設鹿角列火器以拒夸札督兵直前斬獲甚衆賊水陸皆潰十九年命將湖廣兵詣廣西參贊大將軍簡親王喇布軍務討叛將馬承廢克武寧進取象州圍柳州承廢降進復慶遠廣西平還京二十一年卒敍功進一等阿達哈哈番達海先世居覺爾察以地爲氏祖博洛太祖時來歸父艾密禪旗制定隸滿洲正藍旗達海幼慧九歲卽通滿漢文義弱冠太祖召直左右與明通使命若蒙古朝鮮聘問往還皆使屬草令於國中有當兼用漢文者皆使承命傳宣悉稱太祖旨旋命譯明會典及素書三略太宗始置文館命分兩直達海及剛林蘇開顧爾馬渾託布噶多譯漢字書籍庫爾經吳巴什查素喀胡球詹霸記注國政天聰三年上伐明旣擊破滿桂等四總兵軍遣達海資書與明議和明閉關拒勿納復命海達爲書二通一置得勝門外一置安定門外乃引師還四年復

伐明至沙河驛命達海以漢語諭降克永平命達海持黃旗登城以漢語諭軍民城中望見皆羅跪呼萬歲降將孟喬芳楊文魁楊聲遠從貝勒阿巴泰入見命達海以漢語慰勞三屯營漢兒莊既降明兵襲三屯營上慮漢兒莊復叛命達海以漢語撫定之是年所譯書成授游擊五年七月賜號巴克什九月復伐明破大凌河命達海以漢語招總兵祖大壽上賜宴復命傳諭慰勞十二月定朝儀達海治國書補額爾德尼噶蓋所未備增爲十二字頭六年三月太宗諭達海曰十二字頭無識別上下字相同幼學習之尋常言語猶易通曉若人姓名及山川土地無文義可尋必且舛誤爾其審度字旁加圈點使音義分明俾讀者易曉達海承命尋繹字旁加圈點又以國書與漢字對音補所未備謂舊有十二字頭爲正字新補爲外字猶不能盡協則以兩字合音爲一字較漢文翻切尤精當國書始大備是年六月達海病逾月病亟上聞垂涕遣侍臣往視賜蟒緞並諭富優卹其子達海聞命感愴已不能言數日遂卒年三十八時方譯通鑑六韜孟子三國志大乘經皆未竟達海廉謹在文館久爲領袖其卒也

當斂求釋無完者七年二月以其長子雅秦降一等襲職授備禦國初文臣無世職有之自達海始十年賜謚文成康熙八年五月聖祖從其孫禪布請立碑紀績達海子四長子雅秦以備禦兼管佐領崇德三年從伐明毀董家口邊牆入略明畿內下山東所向克捷還出青山口遇明軍雅秦率步兵擊敗之四年從攻松山六年從圍錦州城兵突出犯我軍雅秦率所部兵禦敵皆有功旋授吏部理事官八年調戶部理事官順治元年四月從入關擊敗李自成迭遇恩詔進世職至二等阿思哈尼哈番八年三月授吏部侍郎七月擢國史院大學士十月卒九年上以恩詔進世職過濫命改爲一等阿達哈哈番兼拖沙喇哈番予其子禪布襲職康熙二十一年聖祖巡方命從官祭雅秦墓達海次子辰德太宗嘗召其兄弟賜餽予幣命辰德勤習漢文其後仕未顯三子喇捫康熙間以前鋒統領從討吳三桂戰衡州陳沒贈拖沙喇哈番四子常額雅秦卒後世祖特授學士而雅秦子禪布康熙初亦官秘書院學士爲達海請立碑三桂既平之明年聖祖諸諸大學士達海巴克什子孫有入仕者乎明珠對聞有係

爲鴻臚寺官因下吏部錄達海諸孫陳布祿等十二人引見命授陳布祿刑部郎中其後國子監祭酒阿理瑚請以達海從祀孔子廟禮部尙書韓炎議不可乃罷達海以增定國書滿洲羣推爲聖人其子孫男子繫紫帶亞於宗姓女子不選秀女

尼堪納喇氏世居松阿里烏喇太祖時來歸賜號巴克什族制定隸滿洲鑲白旗初以說降蒙古科爾沁部授備禦天命十年偕侍衛博爾晉等率師伐虎爾哈部收五百戶以還上郊勞賜宴天聰初擢一等侍衛從太宗伐明攻錦州有功七年從諸貝勒按獄蒙古諸部牛彥額貞阿什達爾漢以所齎勦二十道付尼堪尼堪以授從者失其九所司論劾罰如律萬齊忒部台吉額林等來歸命尼堪往迎八年正月收其部落戶口牲畜以還七月上伐明道遇察哈爾部衆來歸命尼堪還盛京安置時鄭親王濟爾哈朗留守使尼堪偕卦爾察席特庫率兵十二人偵明兵明兵適至奮擊敗之遂至遼河凡三戰斬馘百餘明兵引退九年從貝勒岳託戍歸化城土默特部私與明通岳託使尼堪及參領阿爾

津伺塞上得明使四輩土默特使十輩皆執以歸尋與英俄爾岱等使朝鮮崇  
德元年六月授理藩院承政二年正月太宗伐朝鮮既克其都命尼堪及吉思  
哈葉克舒帥師并護科爾沁札魯特數漢奈曼諸部兵伐瓦爾喀將出朝鮮境  
朝鮮兵屯吉木海阻師行尼堪督兵進擊大破之斬平壤巡撫既朝鮮兵二萬  
餘人復來追襲尼堪等設伏誘敵殲萬餘人敵遁據山巔立柵拒守帥圍之三  
日遂下降哈忙城巡撫及總兵副使以下官獲牲畜布帛諸物無算進賂瓦爾  
喀部以所獲界蒙古諸部兵尋引師還復偕阿什達爾漢使科爾沁巴林札魯  
特喀喇沁諸部頒赦詔會諸部王貝勒清庶獄三年五月坐讞獄科爾沁失實  
解任七月授理藩院右參政四年伐明徵蒙古諸部兵兵至不如額命尼堪使  
科爾沁喀喇沁土默特諸部詰責五年四月上以尼堪克副任使授三等甲喇  
章京復命安集索倫郭爾羅斯兩部新附之衆編爲八牛录七月復命徵蒙古  
諸部兵伐索倫簡其軍質世祖定鼎論功進二等順治二年從豫親王多鐸下  
河南將蒙古兵自南陽趨歸德降州一縣四論功進一等三年從多鐸討蘇尼

特部大破其衆四年論功進三等阿思哈尼哈番遷理藩院尙書六年喀爾喀使至餽答親王多爾袞馬巽親王滿達海以爲言尼堪敘王王曰如例云何尼堪曰外藩職貢例不當餽諸王王惡其語敘已令內大臣議罪奪其俸三遇恩詔進三等精奇尼哈番世襲十年上以尼堪老進二等致仕十七年卒無子以其弟阿穆爾圖阿錫圖從子瑪拉兆賚分襲世職瑪拉自有傳

庫爾綱鉢祜祿氏世居長白山祖曰賴盧渾父曰索塔蘭賴盧渾先爲哈達都督索塔蘭及所部來歸旗制定隸屬滿洲鎮紅旗太祖以女妻索塔蘭生子四庫爾綱其次子也天命元年召直左右十一月蒙古喀爾喀五部來議和庫爾綱齋書蒞盟九年二月復將命如科爾沁修好皆稱旨授牛菴章京太宗卽位伐扎魯特部庫爾綱從師還上勞諸貝勒飲至達海旨問諸貝勒行軍勝敵始末庫爾綱爲諸貝勒具對成禮天聰元年伐朝鮮庫爾綱從朝鮮王李倧請行成庫爾綱及副將劉興祚將命宣撫倧既約降庫爾綱等還報朝鮮諸將不知倧已約降也以步騎兵千人邀諸平壤庫爾綱集從者環甲突圍出朝鮮兵

蹕其後庫爾纏令從者前行而以十騎殿殺朝鮮兵三疾馳六十里朝鮮兵三百騎繼至庫爾纏率十騎憑隘爲伏擊敗之斬朝鮮將四兵五十餘獲馬百卒達瀋陽上復命齋諭至軍中申軍令定監督而還四年四月定文館職守命記注時政備國史四年正月伐明庫爾纏偕游擊高鴻中先至灤州設謀使啟城門師遂入二月師還庫爾纏從諸將戍焉五月明監軍道張春等來攻庫爾纏與牛衆額貞覺善等勒兵出戰奮稍踰暫直趣敵陳春等稍郤旋發火器焚城樓壞碑睨庫爾纏與覺善還兵禦之敵不能登都統圖爾格等以孤軍無援退保永平敵圍益急庫爾纏且守且戰屢有斬馘旋從貝勒阿敏等棄諸城還都待罪上以在灤州時能力戰特賚之庫爾纏先以口語被訐五年十一月使朝鮮以漢文作書遺朝鮮受私餽六年六月使明得勝保議和以其人來上召入見屢失期七年二月上發庫爾纏諸罪并追譴庇劉興祚罪論死興祚者開原人見辱開原道遂率其諸弟興治等以降太祖以國語名之曰愛塔克遼東授副將領蓋復金三州興祚婪索民財畜被訐解任遂有叛志事屢敗太宗屢覆

蓋之興祚使其弟興賢逃歸毛文龍作書遺庫爾纏訖言且死託以營葬証醫者醉而縊殺之焚其室逸去庫爾纏得書祝興祚見醫者尸以爲興祚也持之慟告於上以其子王十襲職爲管葬既而其弟興治亦遁詐漸露興祚興治去事文龍文龍薦爲參將袁崇煥殺文龍使興治及陳繼盛分將其兵天聰四年上攻永平興祚在敵中襲我軍中喀喇沁兵殺數十人使貝勒阿巴泰濟爾哈朗將五百人求興祚興祚將趨山海關阿巴泰遮其前濟爾哈朗迫其後遂戰甲喇額貢圖魯什獲興祚殺之執興賢以歸庫爾纏解衣壘興祚上命發而磔之庫爾纏復竊收其遺骼時興治將兵駐皮島諸弟興基興梁興沛興邦皆爲偏裨興沛以游擊守長山島上遣使招興治等諱言遲卒誤殺興祚且令興賢附書述上恩贈其母及妻使屢返復遺護其妻以往興治亦屢答上書自署客國臣枝梧不得要領會興治爲興祚發喪而繼盛信譖言疑未死興治忿執殺繼盛因縱掠明使黃龍鎮皮島興治復爲亂被殺上亦殺興賢及其諸子庫爾纏與興祚善未叛屢爲上言終收其骨卒以此及上猶念其有勞命母籍其家

世祖定鼎燕京詔視一品大臣例予宅地奴僕庫爾龜弟庫拜初以小校事太祖從伐明取撫順戰敗追兵復下遼瀋命爲牛衆額貢天聰五年從伐瓦爾喀手被創猶力戰克堡一是年七月初設六部授吏部參政叙功授牛衆章京世職復以吏部考滿授三等甲喇章京八年從伐黑龍江諸部九年進二等甲喇章京崇德元年從伐朝鮮追論伐瓦爾喀時奪部卒俘復令部卒私獵論罰罷牛衆章京三年七月更定官制改吏部理事官五年正月卒

英俄爾岱他塔喇氏世居扎庫木太祖時從其祖岱圖庫哈理來歸授牛衆額員隸滿洲正白旗天命四年從攻開原有蒙古巴圖魯阿布爾者素以驍勇名降明爲邊將出戰英俄爾岱馳斬之六年從克瀋陽授游擊從克遼陽授二等參將天聰三年從伐明克遵化太宗督諸軍向明都而令英俄爾岱及李思忠范文程以兵八百守遵化師旣行所下諸城堡石門驛馬蘭峪三屯營大安口羅文峪漢兒莊郭家峪洪山口潘家口灤陽營皆復爲明守明兵夜薄遵化英俄爾岱率兵擊郤之平旦明將以騎兵列陳待英俄爾岱出戰明兵驟至英俄

爾岱麾其衆悉銳奮擊明兵退斬殿者五人俘材官一明兵宵奔英俄爾岱以  
師從之復殲騎卒百步卒千餘以書諭諸城羅文峪三屯管洪山口漢兒莊課  
陽營五城復降五年七月定官制始設六部以英俄爾岱爲戶部承政七年明  
故文龍部將孔有德耿仲明自登州來降使英俄爾岱及游擊羅奇齋書徵  
糧於朝鮮朝鮮國王李倧使其臣樸祿報聘言毛氏舊爲敵不願輸糧太宗復  
以書諭略言毛氏將今歸我國以兵守其舟當就便輸以糧遣英俄爾岱及備  
禦代松阿齋書復往朝鮮乃輸糧如指八年五月改進一等甲喇章京太宗自  
將伐察哈爾察哈爾林丹汗走圖白特所部潰散或得俘言同行凡千餘戶方  
苦無所歸上命英俄爾岱及梅勒額貢覺羅布爾吉將二千人往跡之英俄爾  
岱等行遇蒙古頭人侯痕巴圖魯率千戶將來歸遣使謁上復遇台吉布顏圖  
縱兵擊殺之斬二百餘俘四十以還上以駝馬及所俘賚英俄爾岱及諸將士  
既布顏圖部衆奔憇於上言我曹自察哈爾來歸遇大軍乞降不見允橫被屠  
戮上怒命盡奪所資英俄爾岱尋以考滿進三等梅勒章京天聰十年春諸貝

勒及蒙古諸部以太宗功德日隆議上尊號令英俄爾岱齋書使朝鮮喻意既至悰謝不延納令英俄爾岱詣所置議政府陳說設兵晝夜環守使邸英俄爾岱率諸從者奪民間馬突門而出朝鮮王遣騎持報書追付英俄爾岱而別以書誠其邊臣令守界英俄爾岱并奪之以聞又遇明皮島兵遮歸路擊走之崇德改元討朝鮮師克王都悰出奔南漢城二年春上使英俄爾岱及馬福塔齋敕詰責朝鮮以書謝師益進薄南漢城復使英俄爾岱馬福塔招悰出城相見悰答書始稱臣然猶逡巡不敢出上諭知悰寄孥江華島命睿親王多爾袞以偏師下之獲其妃及諸子悰乃出降上留其二子爲質命英俄爾岱馬福塔送其妃及諸戚屬還王都二月班師悰出送命英俄爾岱馬福塔宣諭仍送之還旋授議政大臣十月復命英俄爾岱馬福塔齋敕印使朝鮮封悰仍爲朝鮮國王四年授固山額員五年上以悰繕城郭積芻糧欺罔巧飾使英俄爾岱及鄂莫克圖齋敕詰責悰上表謝罪六年六月睿親王多爾袞復攻錦州九月貝勒多鐸等圍松山英俄爾岱皆在行間七年復使朝鮮鞠獄還奏稱旨八年考滿

進三等精奇尼哈番順治元年從睿親王多爾袞入關是年改承政爲尙書英俄爾岱仍任戶部二年敍功封三等公三年奏請禁民間私售馬廝軍械火器以杜盜源從之四年考滿進二等公五年二月卒英俄爾岱娶饒餘郡王阿巴泰女授多羅額駙領戶部十餘年既領固山仍綜部政屢坐事論罰而恩顧不稍衰太宗嘗諭羣臣曰英俄爾岱性素執拗其於本族人亦偶有徇庇朕思人鮮有令德英俄爾岱能殫心部政治事明決朕甚嘉之視諸部大臣不如英俄爾岱者多矣及睿親王薨得罪奪英俄爾岱公爵降精奇尼哈番康熙間輔臣鰲拜專政陷大學士蘇納海等於死以英俄爾岱與蘇納海同族追論初授地不平附睿親王諸罪狀奪官子宜圖官至內大臣襲爵降三等精奇尼哈番乾隆初定封三等子

滿達爾漢納喇氏先世居哈達父雅虎率十八戶歸太祖太祖以爲牛衆額貢隸滿洲正黃旗摶扎爾固齊與哈穆達尼伐東海卦爾察部俘二千人以歸太祖郊勞與宴又克舒桑哈達賜俘百既乞休滿達爾漢繼爲牛衆額貢從太宗

伐虎爾哈部降五百餘戶天聰五年五月上將伐明規取海中諸島使滿達爾漢與董納密聘於朝鮮且徵舟焉時朝鮮初附未敢開罪於明滿達爾漢等至朝鮮國王李倧謝不見且以兵守館越三日滿達爾漢謂守者曰我奉命至此何慢我不相見我歸矣遂與諸從者佩弓矢策騎奪門出倧使侍臣追及請見滿達爾漢等乃入見致使命而還七月授禮部參政閏十一月復與庫爾樞等使朝鮮誠母縱其民越境採獵母匿逃人並令歲餽當如例倧乃引咎願如約八年太宗自將伐明攻大同滿達爾漢分兵克堡四臺一又拔王家庄以功授世職牛彙章京尋擢禮部承政復使朝鮮崇德二年從武英郡王阿濟格伐明克皮島賜白金裘馬順治初世祖定鼎京師滿達爾漢以老解部任專領牛彙恩詔進二等甲喇章京三年卒設敬敏子阿哈丹襲職恩詔進一等阿達哈哈番兼拖沙喇哈番從征福建擊鄭成功廈門戰死卹贈三等阿思哈尼哈番馬福塔滿達爾漢弟也初授牛彙額員與滿達爾漢分轄所屬人戶天聰五年授戶部參政八年三月與戶部承政英俄爾岱如朝鮮互市五月太宗自將伐明

馬福塔從貝勒濟爾哈朗等居守九月齋奏詣行營道明鐵山明兵邀戰斬五人俘一人又刃一人縱使還尋擢戶部承政九年與參政博爾惠使朝鮮自是通使朝鮮馬福塔輒與崇德元年復與英俄爾岱等使朝鮮明皮島兵遮道擊走之九年復如朝鮮義州監互市得明運卒知明兵入城塲因率百人踞其後明兵引去值武英郡王阿濟格等伐明還渡遼具舟以濟師十二月太宗自將伐朝鮮命馬福塔與勞薩率兵先驅語詳勞薩傳朝鮮國王李倧走保南漢山城二年正月師克朝鮮都進攻南漢山城馬福塔兩奉勅入城數倧罪且諭降倧先使其臣謝罪尋率羣僚出城謁上二月上班師倧出送命馬福塔與英俄爾岱送倧還城倧餽金却之以聞四月從武英郡王阿濟格攻明皮島馬福塔攻其北隅督戰敗敵六月吏議馬福塔從伐朝鮮私以其子往得俘獲先衆齋還又令朝鮮將與貝子碩託交結罪當死命罰錢以贖十月復命與英俄爾岱使朝鮮冊李倧爲朝鮮國王三年七月更定官制改戶部左參政四年六月命與刑部參政巴哈納使朝鮮冊倧妃趙氏爲王妃八月其兄甲喇額貞福爾丹

從軍退縮論死籍其家畀馬福塔九月復爲戶部承政十一月倧疏言立碑三  
田渡頌上恩命與禮部參政超哈爾等往察視五年二月卒

明安達禮西魯特氏蒙古正白旗人世居科爾沁父博博圖率七十餘戶歸太  
祖卽授牛角額員領所屬天聰元年從伐明攻錦州戰死予世職游擊以明安  
達禮襲仍兼領牛角額員領崇德三年遷巴牙喇甲喇章京從貝勒岳託伐明白密  
雲東北毀邊牆以入與固山額員伊拜共擊敗明太監馮永盛兵克南和縣六  
年復從伐明圍錦州明兵陳山顛明安達禮率所部巴牙喇兵陷陳明兵敗走  
既又有騎兵自松山至復擊敗之師阻壕以守城兵出爭橋明安達禮迫明兵  
使引入城上自將擊洪承疇明安達禮戰尤力又敗敵騎進二等甲喇章京七  
年冬從貝勒阿巴泰伐明攻薊州薄明都擊破明總督趙光抃又與噶布什寶  
噶喇依昂邦阿山共擊明兵自三河至者遂進略山東八年春與明總兵白廣  
恩張登科和應薦等戰螺山又與巴牙喇章京鰲拜共擊明總督范志完屢  
破敵師還賚白金擢禮部參政兼正白旗蒙古梅勒額員順治元年從入關擊

李自成二年從英親王阿濟格西討戰延安七遇皆捷撫鳳翔等府三十餘屯  
悉下三年調兵部侍郎蘇尼特騰機思叛從豫親王多鐸帥師討之別將兵屯  
險要騰機思遁走明安達禮夜帥師乘之及諸鄂特克山戰大勝斬台吉茂海  
復與鎮國將軍瓦克達等逐北手斬十一人獲其輜重復擊敗土謝圖汗碩額  
汗五年擢正白旗蒙古都統七年授兵部尙書九年列議政大臣論功遇恩詔  
累進二等精奇尼哈番十年坐徇總兵任珍擅殺罷尙書降一等阿達哈哈番  
兼拖沙喇哈番十一年帥師伐鄂羅斯敗敵黑龍江十三年授理藩院尙書十  
五年十二月命爲安南將軍帥師駐防荊州十六年鄭成功入攻江寧明安達  
禮帥師赴援成功將楊文英等以舟千餘泊三山峽明安達禮擊之斬副將一  
獲其舟及諸攻具成功引入海上命明安達禮移師駐防舟山十七年召還授  
兵部尙書康熙三年加太子太保六年調吏部尙書引疾致仕八年卒謚敏果  
子都克豐從征噶爾丹有功授拖沙喇哈番合爲三等阿思哈尼哈番都克孫  
永安降襲一等阿達哈哈番兼拖沙喇哈番乾隆間從征甘肅石峰堡亂回官

至山海關副都統永安孫憲德憲德子夢麟自有傳

論曰國必有所與立文字其一也因蒙古字而制國書額爾德尼噶蓋創之達海成之尼堪等皆兼通蒙漢文字出當專對造邦之始撫綏之用廣矣英俄爾岱領戶部調兵食最久見褒於太宗明安達禮以折衝禦侮之才屢長兵部蓋皆有功於創業者故比而次之

清史稿

列傳十六

明安

子烏塔拉  
烏塔拉  
烏塔拉  
烏塔拉  
烏塔拉  
烏塔拉

烏塔拉  
烏塔拉  
烏塔拉  
烏塔拉  
烏塔拉  
烏塔拉

恩格德爾

子額爾齊  
額爾齊  
額爾齊  
額爾齊  
額爾齊  
額爾齊

鄂齊爾桑

色布圖  
色布圖  
色布圖  
色布圖  
色布圖  
色布圖

阿濟拜

和濟格  
和濟格  
和濟格  
和濟格  
和濟格  
和濟格

和濟格  
和濟格  
和濟格  
和濟格  
和濟格  
和濟格

布延

阿爾沙坦  
阿爾沙坦  
阿爾沙坦  
阿爾沙坦  
阿爾沙坦  
阿爾沙坦

奇塔特  
奇塔特  
奇塔特  
奇塔特  
奇塔特  
奇塔特

洛哩

烏拉  
烏拉  
烏拉  
烏拉  
烏拉  
烏拉

明安博爾濟吉特氏其先世元裔爲蒙古科爾沁兀魯特部貝勒歲癸巳葉赫貝勒布塞納林布祿糾九國之師來侵明安與焉戰敗明安乘驕馬獨身跳去尋修好於太祖上聞明安女賢遣使往聘歲壬子正月明安送女至上具車服以迎與宴成禮天命二年正月明安來朝上出郊百里迎諸富爾簡岡設宴慰勞明安獻駝十馬牛皆百上優禮之日設宴留一月明安辭賜以四十戶甲幣稱是送之三十里七年二月壬午明安及同部貝勒兀爾宰圖鎖木諾綽乙喇

札爾達賴密賽拜音代噶爾馬昂坤多爾濟顧祿綽爾齊奇筆他爾布彥代伊  
林齊特靈喀爾喀部貝勒石里胡那克並諸台吉等三千餘戶驅其牲畜來歸  
授三等總兵官別立兀魯特蒙古一族天聰三年與固山額眞武納格額駙恩  
格德爾等伐察哈爾降二千戶五年從上伐明圍大凌河城明總兵祖大壽出  
戰明安與固山額眞和碩圓等夾擊大敗之我師僞爲明兵赴援狀誘大壽復  
出戰明安及兩翼固山齊進奮擊大壽敗郤尋卒衆降明安得優賚六年從上  
伐察哈爾師還以俘獲少又違令不以隸戶籍擅以官牛與所屬復匿蒙古亡  
者吏議當奪世職上命罰錢以贖尋以內附諸蒙古所行多違令罷蒙古旗俱  
散隸諸貝勒所領牛衆明安改隸滿洲正黃旗八年改三等昂邦章京順治初  
三遇恩詔進二等伯卒設忠順雍正間追進一等侯加封號恭誠子昂洪多爾  
濟綽爾濟納穆生格朗素昂洪初從父來歸授游擊天命十一年從伐巴林扎  
魯特諸部天聰五年從伐明攻大凌河俱有功超進三等副將賜號達爾漢和  
碩齊七年卒子鄂齊爾襲八年改三等梅勒章京順治間三以恩詔進再以罪

降定爲二等阿思哈尼哈番海摺內大臣管鑾儀衛事尋授領侍衛內大臣十四年卒諡勤恪乾隆初定封三等男多爾濟亦從父來歸授備禦尙主爲額駙天命十一年從伐扎魯特有盜馬遁者多爾濟逐得之尋又從伐棟奎克什克騰諸部又從伐朝鮮皆有功天聰五年始設六部以多爾濟爲刑部承政專理蒙古事六年以直上前失儀又奉命選獵戶不當吏議奪世職上宥之罰白金百八人從伐明攻大同上命多爾濟領中軍圖魯什烏拜分率左右軍與明總兵曹文詔戰大破之遂至城下獲馬百疋德二年授內大臣預議政四年從鄭親王濟爾哈朗略錦州六年上伐明駐軍松山杏山間命多爾濟與內大臣錫翰設伏高橋明杏山兵千人以糧不繼潛遁伏發敗之遂至塔山俘斬甚衆尋以圍松山時明總兵曹變蛟夜犯御營多爾濟不能禦議罪繫三日罰白金五百仍敘高橋功進一等梅勒章京順治二年以多爾濟夙荷太宗恩厚進三等昂邦章京四年改三等精奇尼哈番五年卒弟綽爾濟襲坐事削爵弟納穆生格襲從征福建沒於海諡直勇納穆生格既卒復以綽爾濟襲乾隆初定三等

子多爾濟三世從孫博清額襲三十四年改襲一等恭誠侯爲其四世祖明安後朗素明安幼子襲明安世職傳至孫馬蘭泰雍正七年上以明安舊勞進一等恭誠侯命署前鋒統領七年討準噶爾授參贊大臣疏言寇犯西爾哈昭擊之敗退擢領侍衛內大臣召還命在辦理軍機處行走俄察知在軍惟怯妄奏功謫軍前自効逮京論斬繫獄乾隆初復授副都統又以扈從行圍後至稱疾不治事發拉林披甲初明安所與同部諸貝勒入朝請內附皆授世職有差頃諾木子穆赫林自有傳又有恩格類布當叔姪與明安同時來歸布顏代歸稍後皆從征伐有戰績恩格類布當博爾濟吉特氏來歸恩格類授游擊布當授二等參將天聰三年太宗自將伐明布當從攻遵化與甲喇額真英俄爾岱合軍力戰破明總兵趙率教以功進三等梅勒章京六年散蒙古旗入滿洲恩格類布當皆隸正藍旗崇德三年授布當刑部右參政四年卒布當弟色稜襲恩格類世職事太宗伐不克遵化圍錦州事世祖從入關破賊擊勝吉斯並有功進一等阿達哈哈番兼拖沙喇哈番十二年卒布顏代博爾濟吉特氏初爲蒙

古烏魯特貝子天命七年籍所轄戶口自西拉塔喇來歸尙主爲額駙予二等  
參將世職隸滿洲鑲紅旗十一年太祖自將伐明攻寧遠不克偏師取覺華島  
布顏代率蒙古兵從固山額貢武納格破敵擊殲其衆焚所積芻糧而還天聰  
元年從伐朝鮮師有功分賜降戶及所獲馬三年從伐明入龍井關克大安口  
下遵化海明都四遇敵戰皆勝復擊明兵蘆溝橋以七人先入敵陣遂破之四  
年春師還駐遵化明兵擊喀喇沁兵至布顏代趨援却敵尋與武納格略地行  
山岡遇敵斬級四十餘五年授禮部承政兼右翼蒙古梅勒額貢從圍大凌河  
明兵出戰布顏代傷於矛仍力戰却敵斬一人六年從略宣府大同邊外收察  
哈爾部衆師還以匿俘獲吏議削世職罰錢奪俘獲及賜物上命毋削世職八  
年上自將伐明攻大同布顏代與侍衛星納等率蒙古巴牙喇兵八十人經哈  
麻爾領收察哈爾部衆進次西拉木嶺降百餘戶又進遇察哈爾部俄爾塞圖  
等以所屬來降還與大軍會以功進三等梅勒章京九年蒙古旗制定以布顏  
代爲鎮紅旗固山額貢崇德元年從武英郡王阿濟格伐明克昌平師還出塞

明兵襲我後布顏代爲所敗坐罷固山額貢世職降一等甲喇章京罰錢奪俘獲順治元年以巴牙喇甲喇額貢從入關與梅勒額貢和託等逐李自成至慶都尋從豫親王多鐸定陝西二年加半個前程復從下江南渡黃河與明兵戰身被數傷所乘馬亦創猶力戰衝鋒殪敵遂以創卒年六十有一子鄂穆布襲職

恩格德爾博爾濟吉特氏其先世元裔爲蒙古喀爾喀巴約特部長當太祖初起兵時喀爾喀裂爲五部巴約特其一也恩格德爾父達爾漢巴圖魯爲其部貝勒牧地曰西喇穆木倫太祖起兵之十二年歲甲午正月喀爾喀部貝勒老薩北科爾沁部貝勒明安始遣使來聘又十一年歲乙巳恩格德爾來謁獻馬二十上優賚而遣之明年歲丙午冬十二月恩格德爾率五部諸貝勒之使謁太祖獻駝馬奉表上尊號曰神武皇帝自此蒙古諸部朝貢歲至天命元年太祖初建國即皇帝位距恩格德爾等初上尊號時十年矣二年恩格德爾來朝上以貝勒舒爾哈齊女妻焉號爲額駙三年夏四月太祖始用兵於明師次空

閱勸謨之野恩格德爾與薩哈爾察國長薩哈連二額駙侍上上與言金往事  
因諭之曰朕觀古帝王轉戰勞苦始致天位亦未有能永享者今朕此役非欲  
覬天位而永享之也但以明構怨於我不得已而用兵耳九年春正月恩格德  
爾偕其妻郡主來朝請率所部來歸上嘉其誠與之盟賜以敕非叛逆他罪皆  
得免命貝勒代善等帥師移所部至遼陽既至上郊勞設宴章義站賜恩格德  
爾及其弟莽果爾代雕鞍良馬一貂裘一恩格德爾子囊孥克門都答哈莽果  
爾代子滿朱習禮猞猁獮裘一既入城賜田宅金銀貂猞猁獮段疋器用及耕  
作之具復分平定堡民屬焉尋授恩格德爾莽果爾代三等總兵官旗制定隸  
滿洲正黃旗天聰三年與武納格等帥師伐察哈爾降二千戶語詳武納格傳  
是年冬從上伐明入龍井關克遵化薄明都上駐軍德勝門外明督師袁崇煥  
率總兵祖大壽軍二萬人自寧遠赴援屯城東南上令諸軍進戰時恩格德爾  
與武納格共將蒙古兵恩格德爾率左翼未成列縱騎驟進爲所敗卻走武納  
格以右翼突擊乃敗敵吏議恩格德爾當奪世職上命貸之四年春克永平恩

格德爾行略地遇明將將步卒三百將戰復有騎兵三千自玉田城突出恩格  
德爾陽退誘敵敵稍前疑有伏還走因追蹤其後獲馬百五年從圍大凌河城  
明監軍道張春總兵吳襄等軍四萬自錦州赴援上親督諸軍擊破之初戰敵  
甚銳蒙古兵右翼猛進先入張春壘左翼兵避矢石進稍緩吏議恩格德爾富  
奪世職上復命貸之罰鞍馬一白金百崇德元年五月卒順治十二年追謚端  
順立碑紀功子額爾克戴青初任侍衛授三等甲喇章京恩格德爾既卒以額  
爾克戴青襲父爵而以所授世職予其弟索爾噶順治二年進二等昂邦章京  
七年三月遇恩詔進三等侯大學士剛林祁充格等諷使附睿親王多爾袞當  
改入正白旗額爾克戴青不從旋構吏議降二等精奇尼哈番世祖親政嘉其  
持正無所阿復進一等俟列議政大臣管鑾儀衛擢領侍衛內大臣再遇恩詔  
又以索爾噶卒仍兼三等甲喇章京三進至一等公十年坐讞獄有所徇降二  
等公十四年加少保兼太子太保十六年額爾克戴青僕殿侍衛於市先發誣  
侍衛諷實額爾克戴青坐徇縱削爵奪官留內大臣銜十八年六月卒謚勤良

恩格德爾初封是時從例改三等昂邦章京其長子囊督克當襲囊弩克先以從軍授二等甲喇章京合爲二等伯康熙間復爲二等公降襲一等侯世宗時特命襲三等公加封號順義旋改奉義乾隆九年定封一等奉義侯莽果爾代初與恩格德爾同授三等總兵官改三等昂邦章京順治初從入關破流賊三遇恩詔進一等伯雍正間降襲二等精奇尼哈番乾隆初定封一等子古爾布什亦元裔爲喀爾喀台吉與恩格德爾同牧西喇穆木倫天命六年十一月偕台吉莽果爾率所屬六百戶驅牲畜來歸太祖御殿入謁與宴各賜裘貂二猞猁狲虎貉皆二狐一綠貂朝衣五綠獺裘二綠青鼠裘三蟒衣九蟒緞六緞三十五布五百黃金十兩白金五百兩雕鞍一薰鞍七玲瓏撒袋一撒袋實弓矢八甲冑十僮僕牛馬田宅雜具畢備上以女妻古爾布什爲額駙賜名青卓禮克圖界滿洲蒙古牛羊各一授一等總兵世職隸滿洲鎮黃旗天聰五年太宗自將伐明圍大凌河城蒙古左翼兵戰不力古爾布什當奪世職上特賚之罰鞍馬一白金百兩尋擢兵部承政崇德三年更定官制改兵部右參政六年從

伐明圍錦州敗敵於寧遠七年再圍錦州敵兵出戰古爾布什擊走之古爾布什屢坐事論罰至是以元妃喪輔國公扎喀納軍中歌舞吏議古爾布什不呵禁不舉劾當奪世職籍沒上復特賚之順治初從入關破流賊復遇恩詔累進一等精奇尼哈番十八年正月卒謚敏襄康熙間降襲二等精奇尼哈番乾隆八年定封二等子莽果爾與古爾布什偕來同被賞賚太祖以族弟濟白里女妻焉亦授總兵

鄂齊爾桑博爾濟吉特氏蒙古扎魯特部人父巴克爲其部貝勒天命四年太祖既擊敗楊鑄取開原七月復克鐵嶺即夕巴克與喀爾喀部貝勒介賽等將萬餘人赴援翌旦遂戰諸部師大敗獲介賽等及巴克以歸七年正月鄂齊爾桑入質請釋巴克上許之八年巴克朝正旦上悅遣鄂齊爾桑與俱還太宗即位以扎魯特部敗盟貳于明命貝勒代善阿敏等將萬人討之斬倡叛者貝勒吳爾塞圓獲巴克及其二子諸貝勒喇什希布代青桑噶爾塞等十四人以歸上命隸滿洲鎮黃旗賜衣服器用尋授鄂齊爾桑牛彙額貞天聰三年從伐明

明步兵自薊州至與揚古利共擊破之五年圍大凌河城敗錦州援兵八年授世職三等甲喇章京八月復從伐明攻大同上命噶布什賈噶喇依昂邦圖魯什將左軍甲喇額真吳拜將右軍而以額駙多爾濟與鄂齊爾桑並將中軍與明總兵曹文詔戰大破之追至城下獲馬百宗德二年擢內大臣六年從上伐明攻松山明總兵曹變蛟夜犯御營諸將未擯戰者皆坐讞上以鄂齊爾桑自蒙古來歸特免之順治二年正月以其子喇瑪喇尙主授固倫額駙二月進鄂齊爾桑三等梅勒章京五年卒以其子楚勒襲恩詔進二等乾隆初定封二等男太宗時諸博爾濟吉特之裔來歸爲將有戰功受封爵者又有布爾喀圖弼喇什色爾格克布爾喀圖初爲喀喇沁部台吉天聰三年六月使入貢九月來朝十月太宗自將伐明以布爾喀圖嘗如明朝貢習知關隘使爲導師入邊克龍井關撫定羅文峪分兵命布爾喀圖戍焉四年正月明將丁啟明等以三千人來攻布爾喀圖與戰明兵敗入堡翌日進兵克其堡獲啟明及裨將三俘馘甚衆賜號岱達爾漢五年正月以貝勒阿巴泰第四女妻焉三月從上伐察哈

爾察哈爾部衆有降而復叛者劫軍中土默特部人畜布爾喀圖追擊斬遁者  
足被創尋擊所部來歸蒙古旗制定隸正藍旗崇德元年六月授一等昂邦章  
京順治元年卒子班珠勒豐恩詔累進一等伯乾隆初定封一等子弼喇什亦  
喀喇沁部台吉天聰二年二月從其父貝勒布延謁太宗請歸附八月上自將  
伐察哈爾徵蒙古諸部兵次綽洛郭爾弼喇什從其汗拉斯喀布謁行在獻財  
幣駝馬上悉却之賜宴與以甲冑遂從上擊察哈爾戰有功旋又從貝勒岳託  
伐棟奎部與甲喇額真薩木什喀牛秉額真布顏巴牙喇壯達博爾輝等同力  
戰破敵斬百餘人尋率所屬人戶來歸蒙古旗制定隸鑲紅旗上妻以宗女命  
貝勒代善贍焉弼喇什自陳貧乏上賜以金崇德元年授世職三等昂邦章京  
三年與明通市張家口命弼喇什莅焉六年復往莅時諸王大臣各遣其屬從  
有盜禮親王代善金者弼喇什坐失囚論罰順治三年從豫親王多鐸逐騰機  
思道卒子多爾濟襲改三等精奇尼哈番恩詔進二等乾隆初定封三等子色  
爾格克先世居喀喇徹哩克部父阿拜岱巴圖魯天聰間率衆來歸授世職三

等甲喇章京隸正白旗卒以色爾格克襲授一等侍衛崇德元年從伐朝鮮朝鮮國王李倧保南漢山城師從之色爾格克登山身被創資馬三五年從鄭親王濟爾哈朗等伐明圍錦州色爾格克率侍衛二十人前搏戰有僧格依者自蒙古降明爲將善戰色爾格克擊斬之鄭親王使啟心郎額爾赫圖還上其功六年復圍錦州令色爾格克選巴牙喇兵四十爲伏以待敵得明將一奪甲與械即以賜之上自將禦洪承疇命諸將設伏高橋色爾格克斬明兵七復資馬二又先衆破敵騎師圍松山爲壕環其城城兵出擊烏真超哈分守地色爾格克以巴牙喇兵三十人赴援城兵引退七年冬從貝勒阿巴泰伐明越明都攻臨城略山東攻青州皆力戰被創世祖即位錄阿拜岱巴圖魯舊助及色爾格克戰功復遇恩詔授二等阿思哈尼哈番擢內大臣康熙十二年聖祖加恩諸舊臣色爾格克加太子少保二十年卒謚勤敏乾隆初定封二等男

阿濟拜卓特氏先世爲蒙古巴林部人旗制定隸正藍旗初事太祖授牛彙額員天命三年太祖克撫順師還明總兵張承旛自廣寧襲師後阿濟拜從貝勒

阿巴泰還擊破之四年破明總兵杜松於界凡七年敗明兵於沙嶺阿濟拜皆在行間天聰三年太宗伐明阿濟拜以甲喇額貢從略通州斬獲卒五獲馬四蒲明都與甲喇額貢鄂羅塞臣等當袁崇煥戰勝九年上命巴牙喇蟲額貢布哈將八十人略明邊至寧遠俘九人獲馬四牛百餘還出邊六十里明兵八千追至布哈殿戰沒阿濟拜與巴牙喇甲喇章京托克雅巴圖魯哈譚等還擊敗敵護所俘獲以還上命賚以牛馬予牛秉章京世職順治初從入關擊李自成阿濟拜署梅勒額貢爲後隊尋與固山額貢伊拜逐寇山西至澤州數破賊堅擢正藍旗蒙古梅勒額貢二年加半個前程三年從肅親王豪格討張獻忠道漢中與固山額貢巴哈納擊走叛將賀珍徇秦州與尚書星納擊敗獻忠將高汝礪獲馬羸百餘進擊獻忠於西充與巴牙喇蟲額貢阿爾津蘇拜連戰皆捷敘功遇恩詔累進一等阿達哈哈番兼拖沙喇哈番九年八月以老乞休命解梅勒額貢任尋卒諱忠勤恩格圖失其氏蒙古科爾沁部人自哈達挈家來歸授牛秉額貢與甲喇額貢阿岱出駐伊蘭布里庫防蒙古游牧軼界卒十人巡

徵遇敵百人追斬殆盡聞明兵千餘將攻海州率三百人馳擊敗之天聰間屢從太宗伐明薄明都擊滿桂軍攻還化破敵墾入大安口皆先衆奮擊以功予世職二等甲喇章京擢兵部承政蒙古旗制定恩格圖隸正紅旗即授本旗固山額貝爾崇德元年從伐明與阿岱等爲伏殲明還卒復從伐朝鮮薄其都城與固山額貝爾泰等樹雲梯以登尋坐伐明時戰松山正藍正白鑲白三旗管汎錯亂匿不効師還出塞迎敵戰敗罰錢奪俘獲又坐伐朝鮮時方食上召不即赴廝卒妄出爲朝鮮兵所殺論罪上命罰錢以贖三年從貝勒岳託伐明攻密雲距牆子嶺五里恩格圖率兵先諸軍越高峯入邊破敵五年從鄭親王濟爾哈朗等伐明圍松山明兵夜出劫營恩格圖率本旗兵擊敗之六年從上伐明上命恩格圖與噶什寶布噶喇依昂邦火拜擊明總督洪承疇恩格圖違上方略遇敵不前師還吏議當褫職命罰錢以贖尋令與諸將更番戍松山順治元年從入關擊李自成進一等甲喇章京加半個前程從豫親王多鐸西破賊移師向江南賊躡我師後恩格圖殿四戰皆勝尋破明將鄭鴻達於瓜洲復自江

南徇浙江至杭州破敵獲舟三十五克嘉興下崑山進三等梅勳章京復自浙江徇福建與固山額貝漢岱共下府一縣五與梅勳額貢鄂羅塞臣共下府一縣八戰於分水關於南靖皆有功四年進一等阿思哈尼哈番五年討江西叛將金聲桓卒於軍乾隆初定封二等男鄂本兌憂靖氏其先爲蒙古入明爲守備天命六年太祖取遼陽鄂本兌以兵三十五馬六十出降其後蒙古旗制定隸正黃旗七年從伐廣寧有功授世職游擊天聰元年太宗伐明屯錦州命額爾蘇納選蒙古將士禦敵塔山西鄂本兌與焉敵以二千人至奮擊敗之上移師寧遠明總兵滿桂陳於城東鄂本兌率五牛衆甲士破敵進二等參將二年從上伐多羅特部以二百人先驅遇敵敵稍北復出精銳死戰我師且郤鄂本兌躍騎突前敵敗遁上督諸貝勒並進敍其台吉古魯伊獲無算進一等參將擢右翼蒙古固山額貝漢岱三年從上伐明明邊將五道迎戰鄂本兌率所部兵擊敵斬參將一獲其纛入大安口遂進薄明都克永平灤州遵化遷安四城上命鄂本兌與固山額貝漢岱等守遵化只勒阿敏駐永平護諸將明兵來攻阿

敏檄棄城引師退敵已逼城下鄂本兌以五十人出戰斬獲卒七人獲其馬遂與察哈喇等全軍以還鄂本兌爲殿明師追至屢擊郤之引出邊師無所損進三等副將五年從上伐明圍大凌河屯城西敵出戰爭已下諸臺堡鄂本兌與固山額真和碩圖督兵並進敵敗退入城追逐之及墮敵死者甚衆師還得優賚八年改三等甲喇章京九年正月卒康熙間兄孫託克塔哈爾襲世職從撫遠大將軍費揚古討噶爾丹有功進三等精奇尼哈番乾隆初定封二等男和濟格爾失其氏蒙古烏魯特部人入明爲千總太祖取廣寧從石廷柱出降授甲喇額直隸烏真超哈其後漢軍旗制定隸正白旗並從漢姓爲何氏和濟格爾事太祖從伐巴林棟奎諸部有功天聰三年從伐明調敵蔚州斬獲卒三百出復以烏鎗殪敵兵三八年授世職牛彙章京崇德三年復從貝勒岳託伐明四年烏真超哈析置四固山八梅勒以和濟格爾爲領白旗梅勒額真五年從

圍錦州累敗敵六年復從圍錦州敵自松山分踞高橋南三臺和濟格爾以火器克之殲敵百餘七年從克塔山杏山二城加半個前程授正白旗梅勒額貢八年從克中後所前屯衛二城進一等甲喇章京順治三年二月卒拜音達哩和濟格爾弟襲二等阿達哈哈番事聖祖自參領擢宣化總兵官十三年耿精忠反移拜音達哩爲隨征福建總兵官尚可喜請增兵戍廣東上命與福建巡撫楊熙駐廣州十五年可喜子之信叛拜音達哩與熙督所部斬關突圍出會大軍於贛州上獎其忠勇進一等十九年授駐防廣州副都統二十七年遷廣州將軍三十七年卒以其子何天培襲天培時已官參領累遷江南京口將軍雍正初命署江蘇巡撫入爲兵部尙書出爲江寧將軍復入爲正白旗漢軍都統署兵部尙書六年五月上以天培阿附年羹堯隆科多下刑部逮治擬斬監候乾隆元年赦出獄尋卒天培既得罪以拜音達哩曾孫何鈞降襲二等阿達哈哈番乾隆間更名立柱官至貴州提督阿賴莽努特氏世居喀爾喀部太宗時挈其孥來歸隸蒙古正黃旗嘗奉使阿祿部降其部長上嘉其能賜號達爾

漢免賦役率兵五百遂逃入窮追數月斬倡叛者四人盡俘以還又率兵攻略  
木尼喀部俘其部長葉雷獲戶口牲畜無算崇德九年授一等甲喇章京又半  
個前程加賜號庫魯克特爾漢尋授禮部左參政正黃旗蒙古固山額貝從攻  
錦州設伏杏山邀擊攻松山敗敵順治初從固山額貝臣徇山西師還賜白  
金三百三從擊騰機思六年討姜瓖皆有功進二等阿思哈尼哈番康熙十  
二年加太子太保十七年卒謚武壯

布延郭爾羅特氏蒙古察哈爾部人初在其部爲塔布囊天聰元年借昂坤杜  
棱來歸隸滿洲正黃旗從伐棟奎部爲導從伐克什克騰部首陷陳再從甲喇  
額貝圖魯什略明邊俘其邏卒斬百餘級得樵車百餘輜駕以百數復略十三  
站斬十級得把總一馬三級功授世職牛衆章京九年借布哈塔布囊略寧遠  
既出邊明兵千餘追至布哈陷陳哈談巴圖魯還戰馬中矢仆布延赴援與之  
馬力戰敗敵資俘一馬二牛三進世職三等甲喇章京崇德元年二月命齋書  
投明邊諸守將歷松棚路潘家口董家口喜峯口致責言焉五月從伐明薄明

都敗明兵蘆溝橋三年二月從伐喀爾喀部七月擢議政大臣兼巴牙喇纛章京九月從伐明白牆子嶺入敗明兵追擊得馬八十七四年帥師戍烏欣河口偕侍衛阿爾薩蘭攻松山布延爲伏軒二十一級調敵錦州軒遷卒八得馬十二五年從睿親王多爾袞圍錦州擊敗明步軍六年從鄭親王濟爾哈朗克錦州外城與內大臣伊爾登戰最力資百金進世職二等甲喇章京八月上自將擊洪承疇其將曹變蛟夜襲上營布延以內大臣不嚴守禦論罰七年二月帥擊承疇布延兵後至當死命論罰以贖十一月伐明圍薊州順治二年世祖以布延舊臣進世職一等甲喇章京其從子烏納海先以戰死卹贈世職牛皋章京命布延併襲進三等阿思哈尼哈番八年卒次子茂奇塔特襲世職茂奇塔特康熙三十五年從征噶爾丹有功加拖沙喇哈番例進二等乾隆初定封二等男阿爾沙瑚瓦三氏初爲察哈爾林丹汗護衛林丹汗敗走唐古特阿爾沙瑚帥所屬四十餘戶渡哈屯河來歸隸蒙古鑲白旗授世職游擊崇德三年從伐明白牆子嶺入屢敗明兵行略地至濟南四年三月師還出塞復擊敗太平

塞明兵五年從伐索倫部獲部長博穆博果爾及其孥六年從伐明圍錦州明以騎兵出松山謀刦紅衣炮阿爾沙瑚力戰却之又敗洪承疇所將步兵以功進世職一等甲喇章京八年卒以兄子果爾沁襲果爾沁時已爲牛彙額員從伐朝鮮嘗以侍衛二十人敗敵順治初從入關擊李自成加半箇前程再遷鎮白旗蒙古梅勒章京進世職二等阿思哈尼哈番十七年遷本旗固山額貢上命定西將軍愛星阿帥師與吳三桂合兵逐明桂王由榔以果爾沁爲副敕愛星阿軍中機事皆俾果爾沁與議十八年九月師次大理休馬力逾月出騰越道南甸隴川猛卯十一月薄木邦明將白文選方據錫箔江爲守果爾沁與固山額貢遜塔巴牙喇蘇章京畢力克圖費雅思哈噶布什贊昂邦白爾赫圖等簡精銳疾馳三百餘里至江濱文選毀橋走茶山令總兵官馬寧以師從之至猛養文選降師進次晚舊得由榔以歸康熙三年進一等阿思哈尼哈番兼拖沙喇哈番尋列議政大臣調本旗滿洲都統九年二月卒諡襄敏乾隆初定封二等男額琳奇岱青博爾濟吉特氏居翁牛特部爲察哈爾部宰桑林丹汗敗

走所部皆潰額琳奇岱青將來歸會宰桑多爾濟塔蘇爾海率所屬游牧與我師遇倚山拒戰敗遁額琳奇岱青追及之與謀偕降八年六月上自將伐明道塞外師次波碩兒額琳奇岱青多爾濟塔蘇爾海及顧質布顏代塞冷等五宰桑率丁壯七百人及其孥二千口來歸上遣將護詣瀋陽厚賚之分隸蒙古正白旗崇德元年授世職二等昂邦章京三年從伐明白青山口入越明都略地山東累戰皆勝六年圍錦州與阿爾沙瑚同功進一等世襲罔替八年卒順治間追謚勤良子札木素襲聖祖即位加恩諸大臣舊自察哈爾來者札木素與內大臣噶爾瑪散秩大臣沙哩岱等並賜莊田奴僕康熙三年授內大臣六年卒乾隆初定封一等子德參濟旺博爾濟吉特氏世居阿布罕初爲察哈爾部宰桑林丹汗敗走以所屬從天聰八年上自將伐明略宣府攻萬全左衛遂出尙方堡三十里駐軍時林丹汗走死大草灘德參濟旺與噶爾瑪濟農多尼庫魯克多爾濟達爾漢諾額號四大宰桑挾林丹汗二福金率丁壯二千人及其孥來歸遣三十人先奏上上進次克蚌命所司運米三百石以待二福金及德

參濟旺等至謁上行在上與之宴賜貂裘鞍馬牛羊還師復宴新附諸臣德參  
濟旺等跪進酒上曰朕本不飲酒念爾曹誠意當盡此一卮復酌酒徧賜之並  
賚甲冑衣裘授世職一等昂邦章京隸蒙古正黃旗九年六月察哈爾台吉瑣  
諾木來降上召宴德參濟旺與焉上因言察哈爾傾覆爾諸臣來歸朕皆預知  
德參濟旺奏曰聖諭及此洵有如神之鑒也順治二年坐事降三等三年從豫  
親王多鐸北討騰機思鄂特克山之役及破土謝圖汗德參濟旺皆與有功焉  
語詳奇塔特徹爾貝傳復進一等是歲改一等精奇尼哈番五年八月卒乾隆  
初定封一等子多爾濟達爾罕博爾濟吉特氏居翁牛特爲察哈爾部宰桑與  
德參濟旺等同降隸蒙古廂黃旗崇德元年授世職一等梅勒章京以爲都察  
院承政三年更定官制改參政六年上自將擊洪承疇命多爾濟達爾罕偕承  
政阿什達爾罕度善地駐軍並察諸軍斬級多寡還報稱旨擢內大臣仍兼參  
政七年七月祖大壽來降上幸牧馬所命諸內大臣與較射賞中的者多爾濟  
達爾罕得駝一十月從饒餘貝勒阿巴泰伐明行略地自薊州至於兗州師還

上言師自兗州還右翼諸固山不遵貝勒期約先左翼諸軍出塞賴上威靈備敵我軍縱橫如行無人地得全師以還萬一有失悔何及請論罰上爲停右翼諸軍賞順治間上推太宗舊恩並考滿進三等精奇尼哈番復授都察院承政七年命以內大臣與議政恩詔一等兼拖沙喇哈番十七年四月卒謚順僖乾隆初定封三等子奇塔特徹爾貝哈爾圖特氏初爲察哈爾部宰桑林丹汗敗奇塔特徹爾貝以四百戶保哈屯河天聰八年十一月上使招焉渡河次西拉木輪旋從使者來歸上厚賚之隸蒙古正藍旗林丹汗有八大福金掌高爾土門固山事福金其一也林丹汗殂所部宰桑袞出克僧格妻焉上以袞出克僧格叛主奪福金畀奇塔特徹爾貝崇德元年授世職三等昂邦章京三年九月從伐明自青山口入越明都略山東明年師還以所部牛彙額眞珠額文經三屯營率兵役掠敵糧戰死奇塔特徹爾貝未及援罰納馬九月從伐明薄寧遠以火攻擊卻明兵六年圍錦州破洪承疇既復與阿爾沙瑚共擊敗明兵來刦炮者及承疇所將步兵進世職二等昂邦章京順治初入關逐李自成至慶都

三年從豫親王多鐸北討噶機思師次英噶爾察克山聞噶機思在滾葛魯台疾馳逐之至鄂特克山獲其拏土謝圖汗以六萬人次扎濟布拉爲噶機思聲援奇塔特徹爾貝等率所部擊之敗走逐北三十餘里詰旦碩類汗復以二萬人至復擊之亦敗走以功進一等康熙三年卒子鄂諾勒襲十八年鄂諾勒以參領從護軍統領莽吉圖南討鄭錦卒於軍

洛哩鄂爾沁氏初爲察哈爾林丹汗護衛天聰六年太宗自將伐察哈爾林丹汗走死洛哩持元初巴斯巴喇嘛所鑄嘛哈噶拉金佛率百餘人來歸隸蒙古正黃旗授世職一等參將崇德三年從貝勒岳托伐明白牆子嶺毀邊牆入擊敗明總督吳阿衡六年從伐明圍錦州城兵出戰左翼三旗巴牙喇兵擊之不利退入濱明師環之逼洛哩分守地洛哩力戰沒於陣卹贈三等梅勒章京洛哩兄沙濟弟烏班和碩齊沙哩岱沙濟襲洛哩遺爵烏班和碩齊當林丹汗走死別奉七十人來歸授游擊卒以其弟沙哩岱襲順治初沙哩岱以牛彙額貢從睿親王多鐸入關擊李自成復從豫親王多鐸討噶機思擊敗土謝圖汗

碩類汗進二年阿達哈哈番尋沙濟亦卒沙哩岱兼襲合爲二等精奇尼哈番授散秩大臣十八年聖祖即位加恩諸大臣舊自察哈爾來歸者沙哩岱及內大臣噶爾瑪散秩大臣札木素等並賜莊田奴僕康熙元年卒乾隆初定封二等子太宗時諸將自蒙古來歸以戰死者又有奇塔特偉徵巴賴都爾莽奈巴賴都爾莽奈子阿南達係阿喇納皆有聲績自有傳其事世祖戰死則有袞楚克圖英輝津沙爾布奇塔特偉徵博爾濟吉特氏鄂爾多斯哈爾濟農族人也世居克魯倫太宗時與其弟額爾格勒珠爾喀蘭圖扎克托會率所屬來歸隸蒙古正黃旗天聰八年正月上遣蒙古軍略錫爾哈錫伯圖收察哈爾流散部衆奇塔特偉徵與岱青塔布囊斬七十三人降百餘人獲馬駝數十五月上自將伐明次吉爾班圖勒噶命蒙古軍別出間道與大軍會錫喇烏蘇河奇塔特偉徵行遇察哈爾五人將遁入阿祿部禽以獻九年五月從貝勒多鐸伐明次寧遠奇塔特偉徵時爲噶布什賢噶喇昂邦率所部前驅至大凌河西明將劉應選趙國志將七千人迎戰我兵寡奇塔特偉徵力戰沒於陣卹贈三等梅勒

章京額爾格勒珠爾崇德間屢從伐明徇山東圍錦州戰松山皆有功順治間從入關擊李自成予世職牛彔章京加牛箇前程卒無子以喀蘭圖子察輝襲喀蘭圖崇德間爲一等侍衛順治初世祖推太宗舊恩復屢遇恩詔世職累進二等阿達哈哈番督親王多爾袞攝政請上幸其第喀蘭圖方退直聞上扈從無多人即持弓矢趨詣左右防衛及世祖親政敕獎喀蘭圖忠篤賜金帛鞍馬莊田命以其族改隸滿洲正黃旗進世職一等尋以上行圍扈從愆遲復爲二等事聖祖累官理藩院尙書乞老授內大臣加太子太保卒謚敏壯子察輝兼襲合爲三等阿思哈尼哈番康熙十三年安親王岳樂討吳三桂次袁州與吳三桂將馬寶戰鈴岡山死之進二等扎克托會事太宗授正黃旗蒙古梅勒額貞從伐朝鮮坐所部戰艦不時至解官尋以追敘來歸功累遇恩詔授世職一等阿達哈哈番兼拖沙喇哈番卒子錫喇布襲順治間從靖南將軍珠瑪喇徇廣東擊明將李定國戰於新會錫喇布力戰破敵進三等阿思哈尼哈番袞楚克圖英和勒依忒氏初爲察哈爾宰桑林丹汗敗走部衆皆潰散天聰八年太

宗自大同還師屯尙方堡袞楚克圖英將二百餘人與故宰桑德參濟旺等來歸蒙古族制定隸正紅旗授甲喇額貢崇德元年授世職一等梅勒章京二年坐事降一等甲喇章京三年從伐明入牆子嶺明兵自密雲至袞楚克圖英引避當謹上以降將貸之收其牲畜分界諸自察哈爾降者六年復從伐明圍錦州戰松山八年略寧遠屢擊敗明兵順治初從入關擊李自成與固山額貢恩格圖合軍力戰敗賊二年進三等梅勒章京三年從討張獻忠屢戰皆勝六年正月從討姜瓖攻大同城兵出却土默特營袞楚克圖英赴援中流矢沒於陣進二等阿思哈尼哈番乾隆初定封二等男袞楚克圖英六世孫望吉爾襲從討霍集占兄弟戰死葉爾羌贈一等男璉錦薩爾圖氏世居教漢部太宗收教漢璉錦從衆來歸行失道入明錦州崇德六年我師圍錦州璉錦與黎古台吉諾木齊武邑什等繩城出降授世職牛犧章京隸蒙古鑲藍旗旋授甲喇額貢順治初從入關擊李自成署梅勒額貢督後隊有功加半個前程六月與固山額貢覺羅巴哈納略山東七月移師徇山西自成將陳永福據太原璉錦單騎

行城下城兵驟出擊之敗走遂克太原其屬州縣十有五皆下賚白金二年與固山額員都雷遂自成至九江口得其舟三年從肅親王豪格討張獻忠時叛將賀珍據漢中以二千人守鷄頭關拒我師禪錦率右翼兵從貝勒尼堪擊之敗走遂進兵入四川與固山額員巴特瑪等擊獻忠屢戰皆捷獻忠既誅復與巴牙喇甲喇額員希爾根定涪州以功進三等阿達哈哈番員除蒙古鎮藍旗梅勒額員復從鄭親王濟爾哈朗徇湖廣時自成餘衆降於明分屯寶慶沅州諸郡縣六年禪錦與噶布什賢噶喇依昂邦努山梅勒額員拜音岱等攻克寶慶徇沅州破敵於洪江斬所署總兵二副將四兵二千餘得舟九師還進一等阿達哈哈番兼拖沙喇哈番十五年從信郡王多尼下雲南十六年四月克永昌師渡潞江明將李定國爲伏磨盤山師至破其柵禪錦與固山額員沙爾布率衆深入伏起遂戰死謚壯勤沙爾布博爾濟吉特氏崇德二年自察哈爾率百餘丁來歸授牛角額員即使轄其衆隸蒙古鎮白旗尋擢一等侍衛至順治九年三遷授本旗固山額員恩詔予世職拖沙喇哈番十年十一月命與寧南

大將軍陳泰帥師守湖南十二年明將劉文秀盧明臣馮雙禮等將數萬人分道侵岳州武昌沙爾布與巴牙喇纛章京蘇克薩哈設伏邀擊大敗之敵復攻常德舟千餘蔽江而下沙爾布督軍截擊六戰皆捷縱火焚其舟明臣赴水死雙禮被創遁文秀走桃源沙爾布與巴牙喇纛章京都爾德等以師從之文秀走貴州十五年從多尼下雲南明年與輝錦同戰死鑿襄壯進世職拜他喇布勒哈番乾隆間高宗命八旗世職先世以死事卹敘襲次已滿者皆予恩騎尉世襲罔替沙爾布等皆與焉

論曰蒙古喀爾喀科爾沁諸部東與扈倫四部接太祖兵初起一戰知不敵率先歸附明安恩格德爾皆申以姻盟賞延於世鄂齊爾桑初爲質子恩禮與相亞阿濟拜等於蒙古爲庶姓皆以功受賞察哈爾林丹汗庭西處宣大邊外大宗乘其衰以兵收之布延等有戰績而洛哩諸人效命疆場尤有足多者最初蒙古來附即隸滿洲有自明至者又入漢軍天聰九年定蒙古旗制先已籍滿洲漢軍者亦不復追改也

清史稿

武理堪

子 錢輝  
子 錢輝  
和 芬

武納格

子 錢輝  
子 錢輝  
克 國

阿什達爾漢

阿 席內  
烏 席內  
子 委 席內  
烏 席內  
三 席內  
烏 席內  
三 席內  
烏 席內

鄂莫克圖

喀 山  
林 喀山  
子 喀山  
布 丹

吉思哈

弟 吉思哈  
吳 巴喀  
烏 道

康喀勒

兄 子 和 托  
烏 喀勒  
烏 喀勒  
兄

武理堪瓜爾佳氏世居義屯父伊蘭柱徒居哈達費德里太祖初起武理堪來歸歲癸巳葉赫糾九部之師三道來侵上遣武理堪出東路偵敵武理堪出虎爛哈達新城行將百里方度嶺羣鴉競噪若阻其行者武理堪心異之度行且與敵左馳歸告上上命改道自札喀路向渾河部武理堪行薄暮至渾河敵方屯北岸會食爨火密如星武理堪得葉赫遲卒一言敵兵三萬將夜度沙濟嶺而進遂挾以還報時夜方半上命旦日出師武理堪慮我軍休敵衆言曰敵雖衆心不一誰能禦我及戰遂破諸路兵旗制定武理堪隸滿洲正白旗分轄丁

戶爲牛彙額貞出從征伐率選鋒前驅爲噶布什賢噶喇昂邦天命四年明經  
略楊鎬合諸鎮兵四道來侵太祖督諸貝勒帥師禦之既敗其三道獨總兵李  
如柏出鴉鶻關未與我師遇鎬檄使引還武理堪方率二十騎躋虎攔山見如  
柏軍行山麓乃令諸騎立馬山巔鳴螺脫帽繫弓末揮且噪若指揮伏兵者如  
柏軍望而愕顧武理堪遂縱騎疾馳下擊斬四十人獲馬五十四如柏軍奪路  
走相蹂藉死者復千餘武理堪尋卒太祖嘆曰武理堪從朕摧鋒陷陳幾死者  
數矣乃錄其二子吳拜蘇拜吳拜年十六從太祖伐明略撫順遇敵輒奮鬪矢  
中頸不顧嘗從太祖獵有熊突圍出躍上峻嶺太祖遙望見一人躍馬射熊貫  
胸而墮上顧侍臣雅蓀曰是非吳拜不能遺視之吳拜也因諭諸皇子曰吳拜  
之勇今共見之矣遂授侍衛天命四年從伐葉赫負重創力戰不退師還賜良  
馬明總兵毛文龍誘我新附之衆實皮島吳拜循徵三日獲連八十餘射殺文  
龍使者還告上時吳拜已代父爲牛彙額貞上命以所獲隸所轄牛彙六年從  
伐明破明軍於南壽山授備禦旣克遼陽以俘獲分隸諸將上以吳拜能繼父

志年少建功命視一等大臣隸千人十一年蒙古巴林部貝勒囊努背盟掠境上上遣將討之吳拜從謀者爲敵困擾之出殮敵百人太宗即位列十六大臣佐廂白旗命逐蒙古亡去者至都爾弼蒙古亡去者十五人拒戰吳拜既被創仍奮擊盡斬之太宗諭諸大臣曰是固先帝數嘉許者賞特厚天聰四年伐明取永平灤州等四城吳拜從貝勒阿敏守永平阿敏引還吳拜當坐罪逮繫以警率擺牙喇兵援灤州夜入敵營太宗命質之釋其縛尋授噶布什寶甲喇章京五年從伐明圍大凌河城與甲喇章京蘇達喇諭錦州偵敵六年從伐察哈爾率精騎前驅道遇蒙古亡去者擊殺之察哈爾林丹汗西奔土默特部師還取歸化城上命吳拜撫輯降者八年伐明攻大同多爾濟將中軍圖魯什將左軍吳拜將右軍明總兵曹文詔迎戰擊敗之復與甲喇章京席特庫設伏宣府獲明守備一級其游騎尋與承政阿什達爾漢等招林丹汗子額哲來歸九年五月明屯軍大凌河西吳拜與固山額員阿山石廷柱圖賴要其歸路斬明副將劉應選獲游擊曹得功及守備三級步騎五百餘復攻克松山城南保至師

還進三等甲喇章京是時上遣諸貝勒分道伐明命吳拜等帥師駐上都城舊址偵軍事崇德元年復命與勞薩等齎書投明邊吏冬征朝鮮命與承政馬福塔等率兵三百爲前驅襲朝鮮都城朝鮮王倧走南漢山城師進吳拜與勞薩擊破朝鮮援兵斬二百餘級二年授噶布什賈噶喇昂邦列議政大臣甲喇章京丹岱阿爾濟等如土默特互市將還命吳拜率將校至歸化城迎護遇明邊卒十六人斬其十五獲屬十九俘一以還三年四月略寧遠逐敵墮城斬馘甚衆八月率兵八十人至紅山口遇明兵斬其裨將復擊走羅文峪騎兵五百奪其纛獲馬四十殲密雲步兵百餘五年與勞薩率兵過中後所略海瀋斬級二百獲馬駿牲畜我師攻錦州命吳拜駐軍要隘爲策應屢敗敵兵六年春以攻錦州勿克論統帥王貝勒罪吳拜坐罰錢秋上自將攻松山明兵敗走吳拜未邀擊逮繫旋命釋之七年從貝勒阿巴泰入明邊敗敵豐潤三河靜海至於青州八年從鄭親王濟爾哈朗取明中後所前屯衛十一月復授正白旗梅勒額貞順治初從入關擊李自成二年解梅勒額貞授內大臣三年從豫親王多鐸

討蘇尼特部長騰機思四年與輔國公鞏阿岱內大臣何洛會帥師戍宣府論功遇恩詔累進三等伯蘇拜年十五從太祖伐蒙古有功授侍衛兼領牛衆額貢天聰間從軍收察哈爾林丹汗子額哲遂入明邊攻代州明兵三百自崞縣赴援蘇拜爭先當敵明兵潰走崇德元年從伐朝鮮破敵桃山村三年授擺牙喇甲喇章京從貝勒岳託伐明自牆子嶺入越明都擊敗明太監馮永盛四年圍錦州蘇拜屢擊敗明援兵自松山杏山至者又與固山額貢圖爾格等伏兵烏忻河口多所俘獲敵千餘騎師後擊郤之獲其輜重六年復圍錦州敗松山騎兵又敗明總督洪承疇所將步兵予世職牛衆章京兼半個前程七年從貝勒阿巴泰伐明敗敵克樂安昌邑八年師還進三等甲喇章京順治初從入關擊李自成世祖既定鼎命將分道討自成以豫親王多鐸爲定國大將軍出山西河南英親王阿濟格爲靖遠大將軍道塞外土默特鄂爾多斯諸部入邊南取西安蘇拜佐阿濟格軍方冬度黃河鑿冰以濟明年春至榆林自成兵夜襲蒙古軍蘇拜與擺牙喇章京徹爾布赴援賊敗走還軍遇伏復擊郤之攻延

安七戰皆勝自成走湖廣追之至安陸屢破賊坐俘馘無算三年攝羅牙喇薩  
章京從肅親王豪格討張獻忠敗獻忠將高汝礪於三寨山進擊獻忠於西充  
賊攻正藍旗營蘇拜與阿爾漢共援之大破賊兵五年師還授擺牙喇薩章京  
論功遇恩詔累進二等精奇尼哈番八年正月吳拜蘇拜及內大臣洛什博爾  
輝發英親王阿濟格罪狀吳拜進三等侯蘇拜進一等精奇尼哈番加拖沙喇  
哈番二月洛什博爾輝以諂媚諸王造言搆讐論死吳拜兄弟坐削爵奪官籍  
沒蘇拜又坐阿徇睿親王多爾袞論死上特宥之九年起蘇拜爲正白旗梅勒  
領員十三年擢內大臣十五年上念吳拜兄弟事太祖太宗有戰功復授吳拜  
世職一等精奇尼哈番蘇拜一等阿思哈尼哈番尋授蘇拜領侍衛內大臣康  
熙三年十二月蘇拜卒謚勤僖四年四月吳拜卒年七十謚果壯吳拜子郎談  
自有傳蘇拜第三子和託康熙間以侍衛從討王輔臣戰平涼城北殺賊甚衆  
從討吳三桂戰攸縣敗三桂將王國佐等戰永興敗三桂將胡國柱等十九年  
自廣西進兵攻石門坎黃草壠薄雲南省城敗吳世璠將胡國柄劉起龍等皆

有功官至護軍參領予世職騎都尉加一雲騎尉五十二年卒

武納格博爾濟吉特氏隸蒙古正白旗其先蓋出自蒙古而居於葉赫太祖創業武納格以七十二人來歸有勇略通蒙漢文賜號巴克什歲癸丑從伐烏喇有功授三等副將天命十一年太祖伐明圍寧遠城未下命武納格別將兵攻覺華島明參將姚撫民將兵四萬倚島列屯鑿冰爲壕袤十五里衛以盾武納格督軍爭壕首排盾逕入盡殲其衆焚所儲芻糗及舟二千餘進三等總兵官太宗即位武納格總管蒙古軍位亞揚古利李永芳在八大臣上旋以蒙古軍益衆分左右二營武納格與鄂本兌同爲固山額真天聰三年春與額駙蘇納等率蒙古軍益以滿洲騎卒八十人伐察哈爾降其邊境二千戶軍中流言降者瞞我師寡將爲變於是盡殲其男子惟二台吉得免俘其孥八千太宗責武納格等殺降非義奪所給牲畜命以所俘分隸二翼贍之母失所冬從太宗伐明入龍井關克遵化進薄明都明督師袁崇煥自寧遠來援左翼蒙古兵迎戰不能勝武納格麾右翼蒙古兵繼進遂敗敵賜俘獲之半以犒其軍尋克固安

四年春克永平明將以三千騎自玉田至武納格遣兵擊之走獲馬百餘行略豐潤還聞明兵四千攻大安口城急與察哈喇赴援解其圍又就軍士行樵設伏致敵斬獲無算五年秋復從伐明明總兵祖大壽守大凌河城杏山守將與大壽書謀携軍棄城相就武納格獲以獻得其情於是環城築壘鑿壕爲久困計武納格統蒙古兵屯城東南大壽縱兵出攻我所下臺堡武納格與貝勒阿濟格等率兵夾攻殲敵過半自是城兵不復出六年夏與阿濟格招撫大同宣府邊外察哈爾部衆七年秋與貝勒阿巴泰等侵明攻山海關有所俘獲歸還明兵追襲武納格爲殿力戰却之太宗諭諸貝勒大臣曰武納格所在建功今又爲殿敗敵人臣爲國當如是也八年五月改蒙古軍左右營爲左右翼以武納格爲左翼固山額貝定諸將功次武納格以一等昂邦章京世襲旋進三等公是年太宗復率諸貝勒分道伐明命武納格統蒙古軍爲策應入獨石口越興安嶺經保安州至應州與大軍會道收察哈爾千餘戶所過諸州縣或攻或撫悉稱上意閏八月自得勝堡班師收蒙古逃人自陽和入者四百七十人九

月喀爾喀部衆爲察哈爾所襲殺命將百人往調斬二十餘人而還九年二月  
卒子德穆圖齊墨克圖廣泰德穆圖武納格長子也初任牛衆額貢崇德三年  
正月擢戶部承政七月更定官制改右參政四年從上伐明圍松山樹雲梯攻  
城會明兵自錦州赴援德穆圖度不能克棄雲梯引還罪當死上特賈之論罰  
尋兼任梅勒額貢六年從鄭親王濟爾哈朗伐明圍錦州蒙古貝勒諾木齊等  
守外城約降鄭親王令德穆圖迎之諾木齊方率所部與明兵戰德穆圖以其  
子阿桑喜出我師克外城諾木齊始來歸德穆圖詭言諾木齊父子皆所拔出  
論罰籍家產之半罷參政梅勒額貢俾專領牛衆七年從貝勒阿巴泰伐明自  
薊州入邊薄明都略山東順治元年從入關擊流賊授拜他喇布勒哈番二年  
從豫親王多鐸攻潼關遂定江南敗明將鄭鴻達於瓜洲與都統馬喇希徇常  
州與明將黃蜚等遇再戰皆捷分兵下宜興崑山諸縣加拖沙喇哈番復任本  
旗蒙古副都統三進一等阿達哈哈番九年卒齊墨克圖武納格次子早歲屢  
從行陳略寧遠敗明兵武納格既卒以廣泰襲世職從伐明坐違令不前奪世

職以齊墨克圖降襲一等阿思哈尼哈番復從伐明與沙爾虎達等率邏卒至錦州明兵五百來追還擊敗之獲馬六十及其讎太宗伐明三圍錦州齊墨克圖皆在軍中遇城兵出戰驟馬被擊斬十人攻洪承疇所將步卒掩殺甚衆又敗敵援兵八年三月與阿爾津哈寧阿等伐黑龍江圍都里屯克之又降大小噶爾達蘇能吉爾三屯師資貂皮銀幣十一月擢梅勒額真佐本旗順治初從入關加拜他喇布勒哈番合爲三等精奇尼哈番三年從定西大將軍何洛會擊破叛將賀珍五年卒復以廣泰襲一等阿思哈尼哈番別以齊墨克圖子薩哈炳分襲拜他喇布勒哈番廣泰遇恩詔進二等精奇尼哈番乾隆初定封三等子

阿什達爾漢納喇氏與葉赫貝勒金台石同族爲兄弟太宗諸舅也太祖滅葉赫阿什達爾漢率所屬來歸授牛衆額員隸滿洲正白旗天命六年二月從伐明攻奉集堡圍其城阿什達爾漢先諸將奮進三月攻遼陽復先登克之授一等參將敕免死一次太宗嗣位以阿什達爾漢典朝鮮蒙古諸屬部嘗奉使宣

諭天聰六年明邊吏遣使議和上命阿什達爾漢及白格龍什等報聘既盟而歸白格龍什阿什達爾漢及龍什等受明邊吏餽命奪入官六年從貝勒濟爾哈朗薩哈璘如蒙古鞠獄賚敕二十道失其九諭罰十一月復以定律令頒布蒙古諸部八年五月上自將伐察哈爾林丹汗命徵兵科爾沁部會於宣府左衛林丹汗西遁道死所屬額爾德尼囊蘇等以其衆降上命阿什達爾漢及吳拜等挾額爾德尼囊蘇訥林丹汗子額哲所在九月率來降台吉寨冷等還並報復有祁他特等率千人而來者踵相接也旋命至春科爾大會蒙古諸部分釐牧地使各有封守復與諸貝勒亭平其獄訟十一月還報稱旨令專轄一牛录九年二月從貝勒多爾袞等將萬人取額哲四月師至托里圖多爾袞等遵上所授方略遣阿什達爾漢及金台石孫南褚諭額哲母額哲母金台石女孫也阿什達爾漢爲其族尊行額哲遂從其母舉部來降當我軍未至有鄂爾多斯濟農圖巴者招額哲與盟而去阿什達爾漢偵知之追及圖巴令悉歸額哲之餽又率兵入明邊略宣府大同入山西境多所俘獲師還上親迎勞之崇德元

年六月授都察院承政上御崇政殿侍臣巴圖魯烏額爾克戴青後至阿什達爾漢責其慢叱出之十月與希福使察哈爾喀爾喀科爾沁諸部申明律令十二月從伐朝鮮國王李倧走保南漢山城豫親王多鐸帥師追之圍城朝鮮諸道援兵合萬八千人樹二柵城外悉衆出戰阿什達爾漢及貝子碩託率精騎銳進大破其軍朝鮮別將以五千人屯山麓爲聲援復分兵百循河而南阿什達爾漢馳擊盡殲之攻破其壘餘衆皆潰二年正月倧請降論功進三等副將世襲尋復使科爾沁巴林扎魯特喀喇沁土默特祿諸部頒赦且讞獄明年五月部議阿什達爾漢讞獄失平受蒙古諸部餽命罷承政奪所餽入官七月復授都察院承政五年與參政祖可法等疏論時事略言皇上欲恢張治道深思篤行之今諸國景附朝廷清明而諸王以下至諸固山額真彼此瞻顧第忿身家莫肯一心爲國有所論列不知果無可言耶抑有所畏忌而不敢言耶夫刑所以防民之姦骯於法則麗於刑此不可宥也今刑部斷獄不依本律諸臣有坐者或從重論輒削其職臣思諸臣歷戰陳出死力蒙恩授官一旦有過豈可

不論重輕而遽削其職平臣等竊思先時簡選議事十人今皆不稱職宜罷斥  
令甲戰死者將吏得世職兵則恤其妻孥今又未盡行惟皇上裁察疏入上嘉  
納之六年從伐明上督諸軍圍松山明總兵曹變蛟屯乳峯山乘夜棄寨率步  
騎直犯御營諸將力戰郤之阿什達爾漢未至論罪罷承政降世職爲牛衆章  
京尋卒太祖諸臣自葉赫來歸者蘇納固三泰瑚什布皆與金台石同族蘇納  
當葉赫未亡棄兄弟歸太祖太祖妻以女爲額駙編所屬人戶爲牛衆使領牛  
衆額貢隸正白旗天命四年太祖滅葉赫命蘇納收其戚屬隸所領牛衆十年  
授甲喇額貢錄戰功賜敕免死四次尋擢梅勒額貢天聰元年太宗自將伐明  
攻錦州以貝勒莽古爾泰等將偏師屯塔山衛餉道命蘇納選八旗蒙古精銳  
別屯塔山西路截明兵明兵二千人至蘇納領纛進擊敗之乘勝逐敵多所俘  
斬獲馬百五十三年春命與武納格將兵伐察哈爾以殺降見詰責十月復與  
武納格將兵逐蒙古亡去者語並見武納格傳五年授擺牙喇纛章京擢兵部  
承政從伐明圍大凌河城敗城兵及錦州援兵授備禦世職八年考滿進三等

甲喇章京免徭役九年以隱匿壯丁削世職七月定蒙古旗制以蘇納領鎮白旗崇德元年從武英郡王阿濟格伐明薄明都攻鴻鵠長安昌平諸城隘五六戰皆捷復與薩穆什喀共攻容城克之師還以先出邊後隊爲敵乘潰敗奪所俘獲十二月從伐朝鮮朝鮮將以步騎兵千餘禦戰蘇納及吳塔齊等邀擊大破之俘其將二年吏議蘇納坐朝鮮國王朝行在亂班釋甲又離大軍先還論罰三年又坐有所徇隱論罰能固山額眞仍領牛衆順治五年卒世祖追錄蘇納舊勞復原職子蘇克薩哈自有傳固三泰歸太祖太祖妻以女爲額駙領牛衆隸滿洲鎮藍旗從伐明戰於廣寧單騎入敵陳身被數創戰愈力師乘之遂敗敵授副將世職太宗即位爲八大臣領本旗天聰元年三月從貝勒阿敏伐朝鮮有功師還上郊勞三年上自將伐明攻遵化固三泰率本旗兵攻其西南克之四年上命固三泰與達爾漢等助攻昌黎語詳達爾漢傳復命與高鴻中庫爾纏等下灤州藉其倉庫銀穀以聞五年上幸文館覽達海所譯武經因諭羣臣曰爲將當恤士朕聞額駙固三泰與敵戰士有死者以繩繫其足曳歸

蔑視若此何以得其死力乎尋命解固山額貢九年詔免徭役並增賜人戶俾專領牛彙順治初卒子明阿圖睿親王多爾袞帥師入關明阿圖攝梅勒額貢爲殿累官都察院理事官廂藍旗蒙古副都統授三等阿達哈哈番順治八年卒明阿圖子賽弼翰初爲簡親王濟度護衛康熙四年授護軍參領從護軍統領瑚里布西禦吳三桂將吳之芟克陽平朝陽諸關趨保寧討王輔臣克秦州從平南將軍賴塔南討鄭錦戰漳州敗錦將劉國軒等誅吳世璠定雲南累官廂藍旗滿洲副都統授拜他喇布勒哈番二十九年卒瑚什布與固三泰同隸廂藍旗領牛彙尋任侍衛兼甲喇額員天聰三年從伐通古索爾和部身被七創戰益力斬敵將授備禦世職八年從伐明攻大同與圖魯什等擊敗明總兵祖大弼攻萬全左衛擊敗明總兵曹文詔復設伏邀擊斬三十餘級俘四人九年定蒙古族制瑚什布領鎮藍旗崇德元年從武英郡王阿濟格伐明越明都克定興師還部議出邊時不爲殿爲敵所乘士卒戰死者十人爵白金六百奪世職罷固山額貢專領牛彙三年授理藩院副理事官順治四年復世職遇恩

詔進二等阿達哈哈番七年卒子穆徹納順治間官護軍參領從豫親王多鐸征蘇尼特部屬吉思敗喀爾喀兵從武英親王阿濟格討姜瓖敗其將劉偉思等攻寧武關敗宜孟臣援兵至左衛城戰於吳家峪從靖南將軍珠瑪喇定廣東敗李定國于新會累進三等阿達哈哈番十三年卒

鄂莫克圖納喇氏自葉赫歸太祖隸滿洲正藍旗初爲擺牙喇壯達天聰元年正月從伐朝鮮克義州五月上自將伐明攻寧遠明總兵滿桂陳於城東鄂克莫圖從諸將進戰殲敵三年從貝勒岳託伐明攻保安州先登克之賜號巴圖魯授備禦世職任甲喇章京八年從伐黑龍江虎爾哈部計俘爲諸甲喇章京冠崇德二年復從伐卦爾察部計俘如伐虎爾哈部時三年七月授兵部理事官九月從睿親王多爾袞伐明自青山口入邊越明都擊敗明太監馮永盛克臨潼關略地至濟南四年七月上遣使如明命與努山等率兵護使者以行五年授噶什贊布噶喇昂邦從伐明圍錦州擊敗明總兵祖大壽六年復圍錦州擊敗明經略洪承疇語見喀山傳上軍松山杏山間明軍自松山潰遁騎兵走

杏山步兵走塔山鄂莫克圖先後邀擊並有斬獲七年復從圍杏山分兵略寧遠掠牲畜明總兵吳三桂以兵堵我師後我師擊之敗走復益兵覘我師坐鄂莫克圖與戰窮追至連山敵騎白沙河犯我師牧地復奮擊破之錦州既下進二等參將順治元年從入關敗賊安肅追之至慶都尋率前鋒兵徇山西敗賊絳州渡口二年從英親王阿濟格定陝西敗賊延安李自成走湖廣追之至安陸屢破賊壘得戰艦三十授一等甲喇章京三年從肅親王豪格下四川敗賊漢中逐張獻忠至西充與護軍統領白爾赫圖等屢戰皆捷加授半個前程遇恩詔進一等阿思哈尼哈番十一年授正藍旗滿洲副都統十三年致仕康熙十二年卒年七十八乾隆初定封一等男喀山納喇氏世居蘇完當葉赫未滅挈家歸太祖隸滿州鑲藍旗授牛錄額貢屢從伐明下遼瀋有功予游擊世職天命九年明總兵毛文龍以兵百人劫額駙康果禮莊喀山率所部禦之斬二裨將殲其衆天聰六年從伐察哈爾與勞薩吳拜率精銳前驅林丹汗遁走八年進三等梅勒章京目失明辭牛錄順治初進一等昂邦章京尋改二等精奇

尼哈番十二年卒諡敏壯子納海初以喀山病目命代領牛衆旋授噶什賈布  
甲喇額真從伐明與席特庫等以步兵四千擊敗明陽和騎兵斬級二百獲馬  
六十餘復設伏宣府捕明邏騎九年復從伐明攻大同命與布丹等駐上都城  
故址調軍事尋命與鄂莫克圖等齋書諭明邊守將厯喜峯口潘家口董家口  
諸隘及還斬邏卒百餘崇德二年命與席特庫齋書諭明錦州守將祖大壽自  
廣寧入邊獲邏卒十二斬其九縱二人使齋諭以往俘一人以還四年從武英  
郡王阿濟格伐明錦州還報捷復從上攻松山明兵出戰擊郤之祖大壽遣兵  
自寧遠乘舟趨杏山將入城納海與瑚密色索渾將兵擊其後斬級五十獲甲  
四十舟一又與瑚密色席特庫等行略地俘採薪者二十二人牛羊羸馬無算  
五年從伐明圍錦州敵築臺城外納海與色赫布丹蘇爾德將騎兵馳擊斬四  
十人復逐斬刈草者四十二人敵來犯屢擊卻之與色赫等略小凌河斬祖大  
壽所遣蒙古十七人六年明總督洪承疇集各道兵赴援次松山與吳拜擊敗  
其騎兵上自將攻松山敵自杏山走塔山與鄂莫克圖帥師邀擊追至筆架山

斬級四百俘二十八得纛六獲馬二百餘七年錦州下敘功予半個前程命攝噶什賢布噶喇昂邦從貝勒阿巴泰伐明自黃崖口入長城趨薊州敗明總兵白騰蛟白廣恩遂略山東明年師還以右翼諸將不俟左翼軍至先出邊功不敘順治初遇恩詔進三等阿達哈哈番及喀山卒兼襲二等精奇尼哈番例進二等伯雍正中從孫奇山降襲一等阿思哈尼哈番乾隆元年定封一等男安達立納喇氏自葉赫歸太祖隸滿洲正紅旗太祖遣兵徇鐵嶺刈其禾有蒙古人降於明出拒安達立擊之走事太宗從貝勒薩哈璘駐牛莊師攻永平葉臣率二十四人冒矢石先登安達立其一也師還從圖魯什偵敵建昌夜戰甲士有中矢墜馬者援之出擢噶什賢布章京從伐明攻崞縣率所部先登復以四十人伏忻口敗敵得纛三馬五十餘出邊圖爾格擊敵潰竄安達立邀擊迫敵入壕所殺傷過當天聰九年授牛衆章京世職擢正紅旗蒙古梅勒額貞恩格三年從貝勒岳託伐明將至牆子嶺聞明軍備甚固安達立與固山額貞恩格圖率所部趨嶺右陟高峯間道入邊擊敗明軍越燕京略山東明年師自青山

口出邊復擊敗明軍五年圍錦州屢戰皆捷六年復圍錦州洪承疇援師至與戰破三營至暮敵潰裂日復戰又擊郤之叙功加半個前程尋卒子阿積賴襲職順治初從入關逐李自成戰於慶都又從葉臣徇山西署正紅旗蒙古梅勒額貢又從英親王阿濟格攻延安逐自成至武昌竄入九宮山率師搜勦殲其徒甚衆四年兼任刑部理事官五年署巴牙喇纛章京從鄭親王濟爾哈朗征湖南分兵徇道州攻永安關叙功進一等阿達哈哈番兼拖沙喇哈番卒綽拜巴林氏自葉赫歸太祖隸蒙古鑲白旗爲牛彙額貢天聰八年授世職牛彙章京九年與吳巴海伐瓦爾喀部深入額赫庫倫額埒岳索諸地進三等甲喇章京崇德三年兼任戶部理事官從睿親王多爾袞伐明徇山東至濟南敵騎千餘拒戰何洛會先衆奮擊遂克其城七年從肅親王豪格圍明總督洪承疇於松山承疇遣兵夜越壕攻鎮黃旗營擊郤之八年進二等順治初從入關破流桓克饒州南昌師還賚白金千馬四十七年遷倉場侍郎八年授鎮白旗蒙古

梅勒額貢兼工部侍郎擢本旗固山額貢進一等阿思哈尼哈番九年二月卒布丹富察氏自葉赫歸太祖隸滿洲正紅旗授牛衆額貢尋遷甲喇額貢領罷牙喇兵天聰八年從伐明克萬全左衛城先登授半個前程九年從貝勒多鐸伐明攻錦州師還明兵驟至固山額貢石廷柱所部有陷陳不能出者布丹破陳援之出旋命與納海等調軍事崇德元年從武英郡王阿濟格伐明破鶻鶻長安二隘皆先登與蘇納同功轉戰至涿州師還明兵出居庸關設伏邀我軍輜重擊破之四年與沙爾瑚達等將士默特兵三百略寧遠北境以數騎挑戰敵堅壁不出乃佯其樵者以歸五年圍錦州殺敵語見納海傳六年與明兵戰松山杏山屢勝錦州下進牛衆章京世職七年冬復與納海等從貝勒阿巴泰伐明順治初從入關破流賊敍功並遇恩詔進一等阿達哈哈番九年擢正紅旗蒙古副都統十一年卒諡毅勤孫達哩魯布哩氏太祖取葉赫以其民分屬八旗孫達哩隸正黃旗選充驍騎遇戰必先中創不爲卻屢得優賞崇德三年從睿親王多爾袞伐明入自青山口越明都轉戰至山東攻濟南先登第一

賜號巴圖魯授二等參將領牛衆額貢順治間累進二等阿思哈尼哈番遷擺牙喇纛章京從穆里瑪圖海討李自成餘黨李來亨袁宗第等破茅麓山有功十二年加太子少傅十四年四月卒諡果壯

吉思哈烏蘇氏世居瓦爾喀馮佳屯初屬烏喇見其貝勒不足事與弟吉普喀達歸太祖並授牛衆額貢隸滿洲正白旗旋改隸鎮白旗天命四年從伐明有功授游擊世職六年以甲喇領貢帥師圍遼陽樹雲梯先登天聰八年太宗追錄其功進二等參將是年與甲喇領貢吳巴海伐東海虎爾喀部俘一千五百有奇及牲畜重九年與梅勒額貢巴奇蘭等伐黑龍江收二千人以還進一等參將崇德元年太宗自將伐朝鮮聞明兵入鹺塲遣吉思哈率兵歸其後擊敗之二年師既克朝鮮都城上命旗出甲士十並簡科爾沁敖漢柰曼扎魯特烏拉特諸部兵俾吉思哈及理藩院承政尼堪爲將自朝鮮伐瓦爾喀因擊破朝鮮軍斬平壤巡撫進略瓦爾喀奏捷稱旨語詳尼堪傳累遷至吏部參政三年四月卒子吉瞻夔吉魯喀達吉思哈弟也天命四年授游擊六年任甲喇額

真從伐明攻奉集堡明總兵李秉誠赴援師與戰明兵走入城師從之至壕城  
上發巨礮吉普喀達中礮卒天聰八年贈二等參將子爪爾察襲吳巴海瓜爾  
佳氏自烏喇歸太祖太祖討尼堪外蘭吳巴海實從隸滿洲鑲藍旗授牛彙額  
真天聰元年四月從貝勒阿敏伐朝鮮攻義州與梅勒額真阿山穆克謹等先  
登克之五月從太宗伐明攻錦州敵來犯我師少却吳巴海爲殿督戰敗敵五  
年與梅勒額真蒙阿圖伐瓦爾喀略額黑庫倫額勒約索二部收降人數千上  
郊勞賜宴賜號巴圖魯六年從伐察哈爾林丹汗西遁上命吳巴海逐連逃斬  
察哈爾兵五獲其馬及牲畜旋率師伐烏札喇部署所將兵四道並進會敵方  
漁於握里河吳巴海揮騎直前斬三百餘人得其輜重七年與牛彙額真郎格  
如朝鮮互市得瓦爾喀部長族屬十五人以歸八年與吉思哈伐東海虎爾哈  
部語詳吉思哈傳十二月復與牛彙額真景固爾岱將四百人伐瓦爾喀降屯  
長分得里收阿庫里尼滿部衆千餘師還上命大臣迎勞以所獲資之九年從  
貝勒岳託率師鎮歸化城土默特人許部長博碩克圖謂其子陰遣使與明通

岳託遣吳巴海及甲喇額貞阿爾津等四人要諸途毛罕私以告喀爾喀人潛遁吳巴海追獲之並得明使毛罕者博碩克圖子爲汗自號貝勒吳巴海既執喀爾喀使人遂殺毛罕十年授梅勒額貞世職一等甲喇章京崇德元年六月進三等梅勒章京移鎮寧古塔十二月喀木尼漢部葉雷等叛將其孥俱亡吳巴海部兵逐之行數十日無所見見宿雁三射之一雁負矢飛且墮往取之見遺火知逃者自此過蹕其跡及之於溫多獲其孥葉雷入山追及圍之諭使降不可射之葉雷將注矢有狐起於前觸葉雷弓弓墜遂射殺葉雷及其從者師還太宗命諸固山額貞迎勞二年叙功進三等昂拜章京賜衣服僕馬莊田三年與梅勒額貞吳善帥師戍歸化城旋坐匿罪人徇斬養卒盜米罷梅勒額貞論罰四等卒分世職爲一等甲喇章京者一爲牛朮章京者二授其子弟

康喀勒納喇氏輝發貝勒王機磬之孫也太祖時偕從兄通貢率族屬來歸隸滿洲鎮紅旗授牛朮額貞天聰六年從伐察哈爾部八年正月上以察哈爾林

丹汗西遁其部衆流散錫爾哈錫伯圖命康喀勒與岱青塔布囊等率蒙古及  
諸部駐牧兵往取以歸五月授世職牛录章京崇德三年兼刑部副理事官五  
年擢鑲紅旗蒙古梅勒額貢六年從伐明圍錦州並攻松山城七年松山錦州  
皆下復克塔山城尋追論攻松山避敵克塔山與固山額貢葉臣爭功罪當死  
太宗特賚之順治初從入關擊李自成加半個前程尋從豫親王多鐸下江南  
與固山額貢準塔自徐州水陸並進次清河明總兵劉澤清遣部將馬花豹張  
思義等率戰艦千餘兵數萬屯黃淮口康喀勒與游擊范炳吉天相等發礮毀  
其舟分兵追擊澤清走淮安下復與梅勒額貢譚布擊明總漕田仰仰方屯湖  
口橋以三千人迎戰擊破之又戰於三里橋遂至海岸獲舟八十又戰於如皋  
攻通州以雲梯克其城旁近諸縣皆下二年十一月授鎮守江寧梅勒額貢時  
江北未定羣相聚爲亂江寧有牒爲內應者康喀勒與駐防總管巴山先期捕  
治殺三十人而定已而明潞安王朱誼石集衆二萬餘分三道來攻康喀勒等  
擊卻之三年以功進三等甲喇章京世襲四年改三等阿達哈哈番旋卒子洛

多襲職和托康喀勒從兄之子也順治元年以噶什布賈甲喇章京從入關破  
李自成潼關移兵下江寧復從貝勒博洛徇浙江破明總兵方國安等於杭州  
復略福建所向克捷攻汀州先登克其城論功并遇恩詔授拜他喇布勒哈番  
兼拖沙喇哈番世襲十一年從征雲南擊敗明將白文選取進永昌奪瀾滄江  
鐵索橋康熙九年卒瑪拉和托弟也順治十二年以三等侍衛署甲喇額貢從  
固山額貢伊勒德攻舟山從擺牙喇纛章京穆成額破鄭成功兵於泉州十六  
年從安南將軍達素擊成功廈門皆有功康熙二十二年卒通嘉康喀勒兄孫  
初襲其父莽佳三等阿達哈哈番順治十八年以護軍參領從靖東將軍濟什  
喀討山東賊于七于七據棲霞嶠山爲亂其黨呂思曲愈三等以數千人拒  
戰通嘉擊敗之賊遂以平康熙六年改前鋒參領十四年從信郡王鄂托討察  
哈爾布爾尼師至達祿布爾尼爲伏山谷間通嘉督所部盡擊殺之布爾尼以  
三十騎遁以功加拖沙喇哈番旋坐事削十八年以護軍統領從討吳三桂破  
譚宏於雲陽二十三年遷本旗蒙古都統二十四年卒薩璧翰亦納喇氏父三

檀自輝發率屬歸太祖授牛衆額員隸滿洲正藍旗卒薩璧翰與其兄薩珠瑚並授牛衆額員太宗卽位以薩璧翰列十六大臣佐正藍旗天聰五年擢戶部承政八月上自將伐明圍大凌河城兵出禦薩璧翰與戰舍馬而步逐敵薄壕城上發礮矢甲士巴遜沒於陳薩璧翰力戰入敵陳取其尸還八年五月上自將伐察哈爾貝勒濟爾哈朗居守薩璧翰與梅勒額員蒙阿圖副之考滿授世職甲喇章京崇德二年從伐朝鮮取皮島師還薩璧翰與其兄薩珠瑚發貝子碩託以廝役冒甲士請卽坐論罰薩璧翰初隸碩託至是命改隸饒餘貝勒阿巴泰旋以薩璧翰從子侍衛吳達禮從伐朝鮮私役甲士坐奪世職三年改吏部右參政四年授議政大臣六年八月從伐明攻錦州明援兵自松山至誘戰薩璧翰被創卒於軍子漢楚哈喇爾沁皆授牛衆額員哈爾沁從討吳三桂從討噶爾丹皆有功授拖沙喇哈番漢楚哈子哈爾弼授一等護衛從擊鄭成功戰廈門歿於陳亦授拖沙喇哈番

論曰太祖初起扈倫四部與爲敵四部之豪俊先後來歸武理堪等自哈達武

納格阿什達爾漢鄂莫克圖等自葉赫吉思哈等自烏喇康喀勒等自輝發皆能効奔走立名氏武納格其先出自蒙古遂爲自奇超哈統帥勳績尤著四部有才而不能用太祖股肱爪牙取於敵有餘國之興亡雖曰天命豈非人事哉

清史稿

列傳十八

佟養性

孫國瑞

李永芳

馬光遠

弟光輝

李思忠

子廉祖廉祖子誠

金玉和

子璡誠功王一樞上一員子誠光子永豐

佟養性遼東人先世本滿洲居佟佳以地爲氏有達爾哈齊者入明邊爲商自開原徙撫順遂家焉天命建元太祖日益盛強養性潛輸款爲明邊吏所察置之獄脫出歸太祖太祖妻以宗女號施吾理額駙授三等副將從克遼東進二等總兵官太祖用兵於明明邊吏民歸者籍丁壯爲兵至太宗天聰間始別置一軍國語號烏真超哈五年正月命養性爲昂邦章京諭曰漢人軍民諸政付爾總理各官受節制爾其殫厥忠簡善黜惡恤兵撫民母徇親故母蔑疏遠昔廉頗藺相如共爲將相以爭班秩幾至嫌釁賴相如舍私奉國能使令名焜耀於今日爾尙克效之又諭諸漢官曰漢人軍民諸政命額駙佟養性總理各官

受節制其有勢豪嫉妬不從命者非特藐養性是輕國體廢法令也必譴母赦如能謹守約束先公後私豈意爲國則爾曹令名亦永垂後世矣是歲初鋒礮使養性爲監礮成銘其上曰天祐助威大將軍凡四十具師行則車載以從養性掌焉八月上伐明圍大凌河城養性率所部載礮越走錦州道爲營擊城西臺臺兵降又擊城南壞睥睨翼日擊城東臺臺圮臺兵夜遁盡殲之九月明兵出關援錦州上遣親軍迎擊養性以所部兵五百從敵潰遁明監軍道張春合諸路兵援大凌河夜戰上督騎兵擊破之方追奔明潰兵復陳上命養性屯敵壘東發礮燬敵壘十月攻子章臺發礮擊臺上堞臺兵多死者十一月祖大壽以大凌河降上命盡籍城中所儲鎗礮彈藥付養性尋率兵墮明所置臺壕自大凌河至於廣甯六年春正月上幸城北演武場閱兵養性率所部烏質超哈試礮擐甲列陳軍容甚肅上嘉養性能治軍因追獎大凌河戰功賜雕鞍良馬一白金百遂徧及諸將自石廷柱以下皆有賜設宴以勞之養性疏言新編漢兵馬步僅三千有奇宜盡籍漢民爲兵有事持火器而戰無事則爲農火器

攻城非破不克三眼鎗佛朗機鳥鎗特城守器耳宜增鑄大破兵食未足宜令民廣開墾無力者官畀牛若種獲則以十一償四月上自將伐察哈爾命與貝勒阿巴泰杜度大臣揚古利伊爾登留守七月卒順治間追謚勤惠子普漢改襲二等昂邦章京卒以第六十襲崇德四年漢軍旗制定隸漢軍正藍旗順治四年改二等精奇尼哈番遇恩詔累進三等伯國瑞六十子也襲爵康熙九年授本旗副都統十二年吳三桂反特命國瑞爲鄆陽提督帥師鎮撫十三年襄陽總兵楊來嘉以穀城叛附三桂鄆陽副將洪福應來嘉劫部兵千餘攻國瑞國瑞率游擊杜英修大年以健丁三百拒戰福退復至苦戰數日斬二百餘級福敗遁事聞加左都督十四年福挾諸叛將分五道來犯復擊敗之遂戰泥河口板橋河斬其將林躍等七輩兵數百人十五年四川叛將譚洪與福等復分道來犯洪屯鄖江戰江南岸皆勝焚其舟及械斬獲無算福復遣衆伏鄖江兩岸里岡又渡鄖江戰江北福掠鄖江南相聲援國瑞分兵禦之戰坪溝戰黃坂戰九以三十餘舟順江下泊琵琶灘逼鄖陽運道爲塞國瑞及將軍噶爾漢撫治楊

茂勳等率水陸兵大破之戰隨嶺福敗走遁道復通敍功加一等十六年以捐俸資軍賑難民加太子少保十七年進討來嘉福戰於房縣獲其將五十二輩印十二劄牌二十四遂克其城進復保康十八年與噶爾漢等攻興安久而不下命削戰隨嶺所敍加一等六月授福建將軍二十八年卒謚忠愍乾隆初定封二等子達爾哈齊子養貞自有傳

李永芳遼東鐵嶺人在明官撫順所游擊太祖克烏喇烏喇貝勒布占泰走葉赫太祖伐葉赫葉赫懇於明使告太祖誠母侵葉赫太祖以書與明言葉赫渝盟悔婚復匿布占泰不得已而用兵躬詣撫順所永芳迎三里外導入教場太祖出書畀永芳乃引師還後三歲爲天命元年又三歲始用兵於明四月甲辰昧爽師至撫順所遂合圍執明兵一使持書諭永芳曰明發兵禦外衛葉赫我乃以師至汝一游擊耳戰亦豈能勝今諭汝降者汝降則我即日深入汝不降是誤我深入期也汝多才智識時務我國方求才稍足備任使猶將舉而用之與爲婚媾况如汝者有不加以寵榮與我一等大臣同列者乎汝若欲戰我

矢豈能識汝既不能勝死復何益且汝出城降我兵不復入汝士卒皆安堵若我師入城男婦老弱必且驚潰亦大不利於汝民矣勿謂我恫喝不可信也汝思區區一城且不能下安用興師失此弗圖悔無及已降不降汝熟計之母不忍一時之忿違我言而僨事也永芳得書立城南門上請降而仍令軍士備守具上命樹雲梯以攻不移時師登陴斬守備王命印等永芳冠帶乘馬出降固山員額阿敦引永芳下馬匍匐謁上上於馬上以禮答之傳諭勿殺城中人東州馬根單二城及沿邊諸臺堡五百餘悉下是日上駐撫順明日命墮其城乃還編降民千戶遷之赫圖阿喇命依明制設大小官屬授永芳三等副將轄其衆以上第七子貝勒阿巴泰女妻焉太祖伐明取邊城自撫順始明邊將降太祖亦自永芳始是年七月上復伐明拔清河四年克鐵嶺六年下遼瀋永芳皆從以功授三等總兵官明巡撫王化貞及諸邊將屢遣諭招永芳永芳輒執奏上嘉獎敕免死三次太宗卽位以朝鮮與明將毛文龍相應援納通逃命貝勒阿敏等帥師討之永芳從上諭阿敏等曰朝鮮理當討然非必欲取之凡事相

機度義而行克義州分兵攻鐵山擊走文龍進下定州安州次平壤其官民皆遁遂渡大同江朝鮮王李倧使齋書迎師諸貝勒答書歷數其罪許以遣大臣莅盟當班師使旣行師復進次黃州倧使馳告已遣大臣莅盟阿敏欲遂攻其都城諸貝勒謂宜待所遣大臣至永芳進曰我等奉上命仗義而行前與朝鮮書許以遣大臣莅盟當班師今食言不義盍暫駐待之諸貝勒皆是其言阿敏怒叱永芳曰爾蠻奴何多言我豈不能殺爾耶師再進次平山倧所遣大臣至師卒如永芳議遣劉興祚庫爾纏如倧所莅盟而還八年永芳卒有子九人漢軍旗制定隸正藍旗漢軍次子李率泰自有傳第三子剛阿泰順治初官宣府總兵時姜瓖爲亂山西北境諸州縣土寇蠭起瓖旣平所部竄匿代州定襄繁峙五臺山中剛阿泰先後逐捕諸山砦悉平旋以屬吏侵餽劾罷第五子巴顏天聰八年襲父爵例改三等昂邦章京崇德間以參領從太宗征科爾沁圍錦州與洪承疇戰松山城下皆有功七年定漢軍八旗以巴顏爲正藍旗固山額貝八年九月從鄭親王濟爾哈朗等征南遠拔中後所前屯衛順治元年進二

等昂邦章京旋與固山額真石廷柱剿寇昌平與固山額真葉臣徇直隸饒陽河南懷慶山西澤州潞安諸府縣師還賜白金五百二年從定西大將軍和洛輝自陝西徇四川流寇孫守法賀珍犯西安再戰大破之遂至黑水峪斬守法又破流寇一隻虎於商州克延安諸路山寨四年例改二等精奇尼哈番五年進一等精奇尼哈番討叛將姜瓖從睿親王多爾袞復渾源州從英親王阿濟格復左衛從巽親王滿達海復朔州汾州及太谷諸縣巴顏在軍將左翼挾火器以攻所向皆克八年敍平姜瓖功復遇恩詔進一等伯九年卒乾隆間定封號曰昭信四十年正月命以其族改隸鎮黃旗

石廷柱遼東人先世居蘇完姓瓜爾佳氏明成化間有布哈者爲建州左衛指揮布哈生阿爾松阿嘉靖中襲職阿爾松阿生石翰移家遼東遂以石爲氏石翰子三國柱天柱萬歷之季廷柱爲廣寧守備天柱爲千總太祖師至巡撫王化貞走入關天柱先與諸生郭肇基出謁且曰吾曹已守城門矣翌日入城廷柱從衆降授世職游擊俾轄降衆蒙古巴林部貝勒囊努克背盟刦掠廷

柱從上討之取其寨收牲畜以還進三等副將天聰三年太宗命率兵搜剿明故毛文龍所轄諸島敵自石城島來犯擊斬二百人俘十九人尋從上伐明薄明都四年師還至沙河驛廷柱與達海諭城中軍民出降又與達海以千人調漢兒莊漢兒莊與三屯營喜峰口諸堡先已降而復叛至是復降五年明總兵祖大壽築城大凌河上自將圍之大壽窮蹙使從子澤潤射書請降并乞上令廷柱往議廷柱與達海至城南先使姜桂調大壽桂故明千總爲我軍所俘大壽使游擊韓棟從桂出迎廷柱並以其義子可法爲質廷柱乃踰濠與語大壽言決降惟乞速取錦州俾妻子得相見廷柱以告上復遣廷柱諭指大壽乃降是時佟養性爲烏員超哈昂邦章京廷柱爲副六年養性卒廷柱代爲昂邦章京從伐察哈爾多斬獲七年從貝勒岳託伐明攻旅順帥還上酌金卮以勞進三等總兵官八年從伐明攻應州克石家村堡九年復從伐明與明兵戰大凌河西斬明副將劉應選獲游擊曹得功等崇德元年上自將伐朝鮮命廷柱帥所部整兵械儲糗糧挾火器以從二年旣定朝鮮還攻皮島廷柱與戶部承政

馬福塔攻其北隅尋追論朝鮮王李倧謁上時廷柱亂班釋甲及縱士卒違法  
妄行罪解任罰錢奪賞資是年分烏真超哈爲左右翼以廷柱爲左翼固山額  
貝三十三上與諸臣論兵事舉呂尙相勗廷柱言呂尙制闖外專生殺故所向有  
功今臣等若有過下部逮訊雖牛衆以下亦當比肩對簿其何以堪諸臣以其  
言懇請下刑部議罪論死上命宥之是年十月從伐明攻錦州克城外諸屯堡  
進破城旁臺臺上餘敵兵潛自間道走廷柱弗追擊部議降爵罰錢上復命宥  
之四年二月上自將伐明烏真超哈諸將孔有德耿仲明尙可喜馬光遠及廷  
柱皆率所部從上駐軍松山命廷柱攻城南臺毀其堞臺兵不能禦守將王昌  
功等四十餘人出降上登松山南岡度地形命廷柱從可喜以砲攻城南門之  
左廷柱與光遠先取城西南隅臺諸將繼進攻城城堞皆盡會以日暮罷明日  
攻益急城兵守禦甚固我兵緣雲梯上不能入死者二十餘人廷柱兄子達爾  
漢亦被創上召詢諸將皆謂攻必克翌日復集議有德仲明可喜光遠欲罄地  
道以攻廷柱持不可上責廷柱曰爾爲主將恆怯無斷志與諸將異議爾豈因

兄子被創故驚怖不欲戰耶廷柱惶恐對曰臣昔嘗巡邏至此知地中有水石不可穿且亦不能越壕而過故不敢不言今衆皆謂可攻臣焉敢獨異乃與有德等鳩役於城南鑿地道初祖大壽既降請得入錦州乃復叛爲明守至是聞松山急遣蒙古兵三百乘夜入城诇得我軍謀多爲備地道不能達乃罷攻師還部議廷柱攻城不盡力當能任罰錢上仍命宥之時烏真超哈復析爲八旗合二旗爲一固山於是漢軍旗制始定廷柱上言錦州爲遼左首鎮我師築壘浚濠誓必剪滅以策進取誠至計也第明恃大壽爲保障我帥圍之急彼必益發援兵併力一戰宜及此時簡精銳分布各旗屯田所遇警卽並進如敵已立營以砲環擊伺其稍動我師卽突起乘之轉戰過錦州至松山杏山間敵必敗走則錦州破矣錦州既破關外八城聞而震動昔年克瀋陽遼陽從之下克沙嶺廣寧亦從之下此其明徵也近聞喀爾喀扎薩克圖揚言取歸化恐陰欲取鄂爾多斯臣擬令鄂爾多斯移牧黃河南使與歸化相接彼此策應仍選才勇將士挾火器戍焉而令王貝勒帥師道宣大略應州

雁門歸化有警輕騎倍道赴援明所恃爲遼東援者不過宣大陝西榆林甘肅寧夏諸路我師西入諸路自顧不遑豈能復出援遼哉此一舉而兩得也明援兵自寧遠至松山所齋行糧不過六七日其鋒少挫勢必速退卽宿留數日終且託糧盡而返宜設伏於高橋險陋處鑿壕截擊仍發勁兵繼其後使進退無路則彼援兵皆折而降我矣我師遇敵步兵每奮勇陷陣彼軍多火器恐致傷夷宜調敵遠離城郭或憑據高阜水竭糧匱乃環而攻之夜則鑿壕以守晝則發砲以擊不一二日勢且生變其斃可坐俟也洪承疇書生耳所統援遼諸鎮皆烏合亡命外張聲勢內實恆搗如大壽爲我師所破承疇與諸將縱得脫去亦束手就戮而已彼聞上恩蒙降將或慕義納款亦未可料今明災異迭見流寇方熾乘時應運定鼎中原機不可失疏入上深嘉之九月師圍松山敵夜犯廷柱營廷柱力禦斬十餘級獲刀甲鎗砲無算進二等昂邦章京七年定漢軍八旗置八固山以廷柱爲鑲紅旗固山額貝子順治元年四月從師入關破李自成五月與固山額貝子巴顏等平昌平土寇六月與固山額貝子巴哈納帥師撫定

山東諸郡縣七月移師會固山額真葉臣共克太原山西河南悉平師還賜白金五百兩進一等昂邦章京四年改一等精奇尼哈番六年從討叛將姜瓖復渾源太谷朔州汾州十二年五月授鎮海將軍駐防京口十四年二月以老乞休加少保兼太子太保致仕進三等伯世襲十八年二月卒贈少傅兼太子太傅謚忠勇立碑記績廷柱兄國柱亦自廣寧降與天柱先後授三等副將廷柱六子三子華善四子石琳自有傳

馬光遠順天大興人明建昌參將天聰四年我師克永平光遠以所部降命隸正藍旗授梅勒額貢冠服鞍馬五年上復伐明圍大凌河光遠從招城南臺降得百總一男婦五十餘即畀光遠育焉六年十一月光遠疏言六部既設當建內閣選清正練達二三臣爲總裁日黎明入閣八家固山六部承政有事詣閣集議請上指揮并議置六科立八道言官翌日再疏申言六科職掌七年正月烏真超哈昂邦章京佟養性及光遠合疏言上及諸貝勒蒙漢官恩厚臣等叨冒首領上有命敢不竭心力臣等有罪聽諸臣彈劾諸漢官如或抗令欺公

誑言誤事諉避偷安玩法科歛臣等當彈劾不敢避忌惟慮諸漢官茹怨以蜚  
語中臣等臣等得罪雖死不知其故乞上及諸貝勒鑒臣等意今後有過失即  
時處分有讒言即時質問俾僉邪不得行其險惡三月光遠疏陳整飭軍政省  
戎器視牧馬習砲治砲車節火藥謹城守制火箭建藏砲儲藥之局贍鑄砲造  
藥之役厚養砲兵凡十事七月上命舊隸滿洲戶下漢人十丁授棉甲一得千  
五百八十人命光遠等統之分補舊甲喇缺額時孔有德耿仲明來降克旅順  
光遠言有德等初來登萊旅順并各島兵艦隨至江口不敢歸畏明法也今旅  
順既失江口兵艦必退保登萊宜急遣水師逐彼舟後乘風而西上親帥師取  
山海進攻北京不半載大事可定十月授一等總兵官八年三月疏請出師一  
自薊東入一自八里鋪趨山海關內外夾攻先取其水關則山海關易下也既  
克山海關還取祖大壽整旅而西進攻北京塞衝要阻逆道不數月必有內變  
但乞上於出師之日戒諭將士毋殺母淫母掠貨財毋焚廬舍四方聞之皆引  
領而歸上矣四月改一等昂邦章京九年七月甄別轄治漢人各官以各堡戶

丁增減行賞罰丁減初額三之一者削世職爲民光遠疏言各官功次不等皆蒙敕賜世襲得之至艱今以養人不如法皆罷爲民衆情驚懼乞恩從重議罰而母遽奪世職令戴罪視事使功不如使過臣爲王法持平敢昧死以請梅勑額貞張存仁亦以爲言上從之十年四月諸臣勸進漢將列孔有德耿仲明尙可喜石廷柱及光遠凡五人崇德元年十二月從伐朝鮮克平壤江華島二年八月分烏貞超哈爲兩翼置固山額貞二以廷柱轄左翼光遠轄右翼三年上伐明攻錦州烏貞超哈運火器爲前驅尋與有德以火器克臺五復與廷柱克李雲屯柏士屯郭家堡開州井家堡俘七百有二得牲畜稱是光遠率甲喇額貞郎紹貞圍攻錦州城旁臺敵遁不追擊上詰之光遠妄辨當奪職上命罰銓四年上復伐明光遠以所部克松山西南隅臺降其將楊文選攻城不克語詳上特宥之六月析烏貞超哈爲八旗置固山額貞四復起光遠爲正黃鑲黃兩旗固山額貞漢軍旗制定光遠隸鑲黃旗順治四年以老病乞休康熙二年卒

謚誠順以弟之子思文襲爵恩詔進三等伯乾隆初定封一等子光輝光遠弟明武舉與其兄光先從光遠來降天聰七年授光先二等參將光輝游擊崇德三年任戶部理事官以貸官商物不償罷官奪世職四年六月漢軍旗制定授鑲黃旗梅勒額貢六年兼任吏部七年以從克杏山城復世職師已克錦州命光輝從固山額貢孟喬芳詣錦州監鑄砲八年以從克中後前屯衛二城進一等甲喇章京世祖入關定鼎參政改待郎光輝仍貳吏部四年考滿加拖沙喇哈番五年從征南大將軍譚泰討江西叛將金聲桓聲桓既誅譚泰將承制授光輝江西提督光輝辭既譚泰欲以都察院理事官紀國先爲都司國先亦辭譚泰劾國先辭連光輝吏議從重比上命罷光輝梅勒額貢侍郎降世職爲拜他喇布勒哈番七年復任梅勒額貢八年上命追錄光輝軍功屢遇恩詔累進三等阿思哈尼哈番五月授戶部侍郎十月命以兵部尙書右副都御史總督直隸山東河南三行省十年九月膠州總兵海時行叛爲暴萊沂間光輝帥師討之時行走宿遷師從之復走永城光輝會漕運總督沈文奎帥師自靈璧向

永城戰洪河集西大破之縛時行以歸以功加級任子十一年甄別諸督撫太子少保以老病乞休十二年七月卒諡忠靖光先順治間遇恩詔亦授三等阿思哈尼哈番官山西左布政使

李思忠字葵陽鐵嶺人父如擬明遼東總兵官寧遠伯成梁族子也仕明爲太原同知罷歸居撫順太祖天命三年始用兵於明克撫順得思忠如擬徙還鐵嶺明年師下鐵嶺如擬及弟如梓子一忠存忠死之六年定遼陽敕思忠收其族人俾復故業即授牛彙額真予世職備禦尋以獲謀進游擊天聰三年太宗自將伐明取永平等四城師還貝勒阿敏護諸將分守察哈喇以蒙古兵守遵化思忠及甲喇額真英固勒岱等爲之佐既而明將謝尙忠等來攻思忠與戰敵三進三却阿敏議棄四城東還檄察哈喇合軍出塞時尙忠攻遵化正急發火箭焚我軍火器我軍方惟擾思忠戒無輕動徐結陳出城挾降吏四人以俱身爲殿出塞無一亡失師還上譴阿敏等以思忠力戰貸勿罪五年從固山額貝楞格里等伐明攻南海島未至遇明兵於榆坨俘十一人得舟五明兵爭舟

思忠與戰炮傷額勿却卒敗明兵進二等參將九年察漢官所領城堡戶口盈耗思忠轄沙河堡郎塞增丁百十有三上嘉賞賜狐裘一襲進三等梅勒章京尋命駐蓋州崇德二年命修遼陽諸城思忠疏言蓋州處邊士卒任防守餘丁僅足以耕今棄農就役工窳而農亦廢請俟諸城工竟庀役造額從事上尤其請七年漢軍旗制定隸正黃旗順治元年從豫親王多鐸徇陝西破潼關下江南克揚州撫定江北州縣凡十三二月命以梅勒額貢成西安三月擢陝西提督恩詔累進一等阿思哈尼哈番兼拖沙喇哈番十一年致仕十四年七月卒思忠子五第三子顯祖襲爵世祖賜名塞白理授二等侍衛甲喇額貢康熙初授隨征江南左路總兵官遷廣東水師提督改浙江提督耿精忠叛自福建侵浙江塞白理疏請分兵援台州防寧波尋從貝子傅喇塔擊走精忠將曾養性十四年九月卒於軍乾隆初定封三等男蔭祖思忠次子事世祖自廢生授戶部員外郎三遷兵部侍郎順治十一年直隸災命與尚書巴哈納等治賑尋授兵部尚書右副都御史總督直隸山東河南三行省疏請蠲被災諸州縣秋糧

招流民還故里當隨地安集以時予賑毋使道殣又疏言直隸濱海北塘洞河  
黑洋諸地宜分兵駐守時議禁海船魚鹽米麥不能轉輸請官爲編號譏其出  
入則商民皆便並下部議行十四年四月疏發河南管河道方大猷貪瀕狀上  
切責河道總督楊方興失劾奪大猷官鞠治論死有高鼎者據五臺山爲亂出  
三岔口擾真定蔭祖遣并陘道陳安國諭降悉散其黨疏言太行天下險三岔  
居其衝林密山深藏姦甚易自鼎降其黨散在民間雖戍以兵視營壘爲傳舍  
當置游擊一定額兵六百耑司守禦上從之是歲蔭祖年才二十有九會湖南  
北用兵上察蔭祖才加太子太保移督湖廣師方徇貴州故李自成諸將鄭永  
忠袁宗第劉體純李來亨輩挾十餘萬人降於明踞鄖襄間擾餽道蔭祖請選  
襄陽水師及均黃漢陽諸營兵二千人戍穀地扼上游選武昌洞庭營兵千人  
成九谿斷通蜀道十五年漢陽天門潛江沔陽諸郡縣水災上命蔭祖治賑民  
蔭祖以承疇已發湖廣兵萬三千五百有奇湖南新收降人數萬鄖襄間流城

未殄留兵不宜復發請敕承疇就演中召募下部議行復疏議討永忠等請敕  
四川總督李國英帥師駐重慶扼巫峽阻達州西安將軍富喀禪帥師趨興安  
河南協剿兵請襄陽合軍臣督諸軍分出彝陵襄陽鄖陽三道深入期一舉滅  
賊疏既上會鄭成功犯江南詔將軍明安達哩將荊州駐防兵赴援部議緩師  
期十七年以疾乞罷康熙三年卒祀直隸山東河南湖廣名宦銅蔭祖子事聖  
祖自佐領授兵部員外郎十三年以參將從征吳三桂再遷御史二十七年湖  
廣夏達龍爲亂上授銅湖北按察使累擢兵部侍郎三十五年上親征噶爾丹  
命與左都御史于成龍等督餉三十七年授山東巡撫以疾辭改授安徽巡撫  
三十九年疾未瘳被彈事罷四十二年山東饑銅請往助賑卒於賑所

金玉和遼東人仕明爲開原千總太祖克開原玉和降授甲喇頭貞予世職三  
等副將漢軍旗制定隸正黃旗天聰五年擢禮部承政六年上閏兵玉和與額  
爾佟養性等率所轄烏真超哈擐甲列陳試炮上賚以鞍馬八年考績進二等  
副將崇德元年坐與吏部參政李延庚互舉子弟罷官降世職三等甲喇章京

二年從武英郡王阿濟格伐明皮島以水師戰不利玉和不赴援諭死上特宥之但削世職四年復授甲喇額貢六年從圍明錦州屢敗敵敵夜攻壕堅擊卻之斬級五十七年錦州下并克塔山予世職牛彙章京八年從鄭親王濟爾哈朗伐明寧遠與國光同克前屯衛中後所二城順治元年擢工部參政敍寧遠功進三等甲喇章京既入關遷梅勒額貢從軍河南署懷慶總兵官時李自成竄陝西餘黨掠河南犯濟源縣城玉和帥師往援至則城已陷夜半遇賊力戰中流矢沒於陳河南巡撫羅繡錦疏報得玉和遺骸於柏鄉西請賜卹進二等梅勒章京乾隆初定封二等男金維城玉和子也崇德初帥攻錦州維城以甲喇額貢奉命與梅勒額貢金礪督餉屢從伐明有功克中後所前屯衛二城維城亦在行間累官正白旗漢軍梅勒額貢兼兵部參政世職至牛彙章京從入關改兵部侍郎兼梅勒額貢如故四年改拜他喇布勒哈番考績加拖沙喇哈番復從定湖廣同克武岡沅州靖州進一等阿達哈哈番調正黃旗漢軍梅勒額貢十年坐總兵任珍行賦罷官降世職爲三等十五年卒子世礪康熙間以

佐領從平南大將軍賈塔征福建敗敵江東橋鄭成功將劉國軒攻漳州世礪戰死予世職拖沙喇哈番太祖克開原王和與同官王一屏戴集賓白奇策守堡百總戴一位降下廣寧游擊孫得功守備張士彥黃進石廷柱千總郎紹貞陸國志石天柱降收遼河諸城堡參將劉世勳游擊羅萬言何世延閻印都司金礪劉式章李維龍王有功陳尙智備禦朱世勳黃宗魯中軍王志高守堡閔雲龍俞鴻漸鄭登崔進忠李詩徐鎮靜鄭維翰臧國祚周元勳王國泰各以所守城保來降王和一屏得功士彥廷柱礪皆以有功授世職廷柱自有傳王一屏先世本滿洲姓完顏氏初降授牛彖額員漢軍旗制定隸正紅旗天聰八年授世職三等甲喇章京旋卒子國光以牛彖額員兼戶部理事官襲職擢正紅旗漢軍梅勒額員兼戶部參政八年從鄭親王濟爾哈朗伐明克前屯衛中後所二城進二等甲喇章京順治元年改戶部侍郎兼梅勒額員如故從定西大將軍和洛輝禦寇西安考滿進一等阿達哈哈番遷本旗固山額員六年從英親王阿濟格討叛將姜瓖克左衛朔州汾州太谷四城敍功遇恩詔累進一等

阿思哈尼哈番十年從定遠大將軍貝勒屯齊征湖廣敗擊明將李定國孫可望十二年從寧海大將軍伊勒德援浙江擊敗明將鄭成功張名振十三年二月授兩廣總督諭獎其才品賜蟒服鞍馬加太子太保十五年以疾解任十八年聖祖卽位授鎮海將軍帥師鎮潮州康熙三年與平南王尙可喜會師討碣石叛將蘇利師至海豐偵破敵伏迎燈籠山蘇利乘我軍未成列以萬餘人搏戰我軍左右夾擊賊潰遁薄碣石衝城環攻拔之斬蘇利及所部陳英李慧等遂殲其餘黨五年還京仍任本旗都統九年卒謚襄壯子永譽字孝揚襲爵十二年授河南提督河北總兵蔡祿叛應吳三桂內大臣阿密達帥師討之上命永譽如懷慶拊循士卒因請留駐鎮撫旋設安慶提督以授永譽耿精忠將宋標方自饒州犯徽州十四年永譽督兵駐建德令參將傅爾學破標於餘干俘標磔於市尋移駐徽州十七年江西平改永譽江南提督駐松江十九年遷廣東將軍二十年疏言廣東瀕海陸路兩鎮請各以一營改練水師二十二年復請留滿洲兵四千駐防廣東省城皆如所議行二十七年授本旗都統二十三

年三月命定北將軍瓦岱帥師屯張家口調噶爾丹以永譽與都統喀岱等參  
贊軍務三十五年上親征噶爾丹分漢軍爲四營永譽帥正黃正紅二旗出中  
路噶爾丹不戰遁永譽與平北將軍馬斯喀督兵追蹤偵噶爾丹行遠乃還三  
十六年從上至寧夏命督餉運貯黃河西岸聞噶爾丹竄死罷還四十三年卒  
乾隆十八年命其族改隸滿洲正紅鑲白二旗孫得功在明爲廣寧巡撫王化  
貞中軍游擊化貞倚得功爲心膂太祖圍西平堡劉渠等赴援令得功從渠等  
戰死得功潛納欵於太祖還言師已薄城城人驚潰化貞走入關得功與進紹  
貞國志等率士民出城東三里望昌岡具乘輿設鼓樂執旗張蓋迎太祖入駐  
巡撫署士民皆夾道俯伏呼萬歲時天命七年正月庚申月之二十四日也上  
授得功游擊隸鑲白旗轄降衆移駐義州天聰六年十月得功疏言上命修城  
天寒土凍徒勞民力而不能堅固請俟春融又上發帑畀官兵市布製冬衣官  
已足用兵人給銀五錢六分得布不足以爲衣乞恩使人得市布一二疋官兵  
均需上澤七年四月又疏言禁淡巴菰令未能行步兵皆用火器尤宜申諭戒

革上令民輸糧因禁百穀不得入市貧民無所得食則宜任民便天聰八年追  
敍得功廣寧功授三等梅勒章京旋卒以其子孫有光襲漢軍旗制定改隸正  
白旗以從克前屯衛中後所及順治間討姜瓖有功并遇恩詔進三等精奇尼  
哈番卒乾隆初定封一等男得功次子思克自有傳張士彥化貞中軍守備太  
祖兵至化貞走入關士彥降漢軍旗制定隸正藍旗天聰八年與一屏同授三  
等甲喇章京旋乞休子朝璘襲職崇德七年授牛彙額員從貝勒阿巴泰伐明  
敗敵於膠州八年與國光同功進二等甲喇章京遷兵部理事官順治二年從  
豫親王多鐸下江南克揚州江陰率兵戍蘇州擊敗明將黃斐四年從恭順王  
孔有德等平湖南破明將劉承階於夕陽橋克武岡復破明將張先璧於黔陽  
克沅州六年從討姜瓖復與國光同功考滿遇恩詔進一等阿思哈尼哈番授  
正藍旗漢軍梅勒額員十年授都察院左副都御史十三年遷戶部侍郎尋出  
爲江西巡撫江西當金聲桓亂後民少田蕪御史笪重光請蠲賦下朝璘議朝  
磷疏言田畝荒蕪惟從容勸墾則熟者恒熟荒者不終荒若急於徵賦則始以

荒爲熟漸至熟者仍荒非足國恤民計也南昌瑞州二府新墾田四十餘頃請  
三年後起科未墾二千餘頃請與豁除上允其請十五年加兵部尙書銜十八  
年擢江西總督康熙二年右布政使王庭疏請減南昌府屬浮糧下朝璘議朝  
璘疏言江西重賦自陳友諒始明世因之前巡撫蔡士英請減袁瑞二府賦額  
未及南昌南昌諸州縣惟武寧爲友諒鄉里賦額循元宋之舊他六縣一州請  
敕部核減戶部覈上南昌府屬浮糧銀十二萬五千有奇米十四萬九千有奇  
上命悉蠲之三年朝璘疏言吉安舊食粵鹽遠且阻請改食淮鹽下所司從之  
四年以江西總督省入江南解任五年授福建總督六年以老疾乞休越十餘  
年卒金礪遼東人明武進士爲鎮武堡都司初降授甲喇額貢予世職三等副  
將天聰五年始設六部以礪爲兵部承政六年上閥兵與王和等并賜鞍馬調  
戶部承政八年考績進二等梅勒章京崇德二年從伐明攻皮島甲喇額貢巴  
雅爾圖等先入敵陳礪與副將高鴻中所將水師不進前軍以是敗坐論死上  
以礪與鴻中來歸有功特宥之四年漢軍旗制定礪隸鑲紅旗復爲甲喇額貢

五年授吏部參政六年擢固山額貝子克松山塔山前屯衛中後所授世職三等甲喇章京順治元年從入關五月與梅勒額貝子李率泰安集天津亂民六月復與固山額貝子葉臣宣撫山西時李自成西遁其將陳永福猶據太原礮與葉臣潛往覘焉城兵驟出礮擊敗之督本旗兵發砲克其城師還賜白金四百兩進世職二等甲喇章京二年從順承郡王勒克德渾征湖廣明將馬進忠降復叛礮與固山額貝子劉之源擊進忠武昌奪戰艦六十餘艘下湖南戰衡州斬明將黃朝宣復戰長沙斬明將楊國棟師還賜黃金二十兩白金四百兩進世職一等阿達哈哈番六月授平南將軍鎮浙江遇恩詔加拖沙喇哈番明魯王以海及其臣阮進張名振屯舟山礮與梅勒額貝子吳汝珍等率兵自寧波出定海會總督陳錦破獲進於橫洋遂克舟山名振擁以海出走九年鄭成功攻漳州命礮帥師赴援至泉州成功退屯江東橋礮自長泰進屯漳州城北分兵萬松關爲犄角七戰皆勝漳州圍解海澄南靖漳浦諸縣悉定敍功遇恩詔進一等阿思哈哈番兼拖沙喇哈番十一年授陝西四川總督十三年引年乞休加太

子太保致仕康熙元年卒

論曰養性廷柱先世本滿洲懷舊來歸申以婚媾永芳歸附最先思忠爲遼左右族皆蒙寵遇各有賢子振其家聲光遠初佐養性後與廷柱分將漢軍罷而復起王和戰死同時諸降將有績效賞延於世或其子顯者得以類從後先奔走才亦盛矣